

四庫全書

子部

欽定四庫全書

御定淵鑑類函卷一百六

設官部四十六

五官中郎將  
虎賁中郎將

三署郎官  
中郎將

四中郎將

郎中

冗從僕射

行人司

奉朝請

駙馬都尉

奉車都尉

諸都尉

都護

五官左右中郎將一

原杜氏通典曰五官左右中郎將皆秦官漢因之並領

三署郎從後漢之制郡國舉孝廉以補之三署郎年五

十以上屬五官

後漢黃琬字子琰為五官中郎將時陳蕃為光祿勳深相敬待每與議事舊制

光祿舉三署郎以功高久次才德尤異者為茂才四行時權富子弟多以人事得舉而貧約守志者見遺京師諺曰欲得不能光祿茂才於是蕃琬同心其次分屬左顯用志士故蕃琬皆為權富郎所中傷也

右署左右郎將各領左右署郎二署皆有中郎侍郎郎中並屬光祿勳魏無三署郎猶置左右中郎將晉武帝省左右中郎將官宋孝武大明中復置銀章青綬武冠絳朝服佩水蒼玉齊左右中郎將屬西省梁代並分司丹禁今中郎將四十四員郎將六十四員各附諸軍諸衛篇唐亦置諸衛中郎將永徽三年八月避太子名改

中郎為旅賁郎將又改為翊軍郎將尋復舊名 增應  
劬漢官儀曰五官中郎將秦官也秩比二千石三署郎  
屬焉 漢舊儀曰左中郎將秩比二千石主謁者 宋  
制見左右衛將軍等篇中金章宗時伐宋置武臣九階  
中有珍冠中郎將 元明無

五官左右中郎將二

增太平御覽曰郎將星若今之左右郎將也故星讚曰  
郎將一星主閱具為武備 續漢書曰楊乘字叔節以

尚書侍講蔡邕字伯喈以侍中為左右中郎 後漢書  
樊英字季齊順帝備禮徵拜五官中郎將數月以病遜  
位歸 魏武令曰告子文沙等悉為侯而子桓獨不封  
而為五官郎將此是太子可知矣 冊府元龜曰裴俠  
魏孝武時為右中郎將及帝西遷俠將行而妻子猶在  
東郡滎陽鄭偉謂俠曰天下未定何如東就妻子俠曰  
既食人祿寧以妻子易圖也遂從入關

五官左右中郎將三

原皆主宿衛

出充車騎

漢官儀曰凡執戟宿衛

郎官皆主更直環濟書曰五官

中郎將主宿衛殿門出充車騎

明習故事

專掌難問

續漢書曰張純字伯仁遷

五官中郎將純在朝歷世明習故事建武初舊章多闕每有疑議輒以訪純自郊廟冠婚喪祀禮儀多所正定

帝甚重之東觀漢記曰魏應字君伯拜五官中郎將諸儒於白虎觀講論五經同異使應專掌難問

征武陵蠻

擊潁川賊

又曰賊宮以城門校尉轉左中郎將征武陵蠻續漢書曰皇

甫嵩為左中郎將持節與右中郎將朱儁共發五校三河騎士及募精勇四萬餘人嵩儁各統一軍共討潁川

有大功賊

增甚得衆情

數進忠諫

冊府元龜曰皇甫嵩為右中郎將平

黃巾卹士卒甚得衆情續漢書曰承宮遷左中郎將數進忠諫議守正不希世偶朝臣憚其節

原

單于聞承宮求見

孫權嘉宗預抗直

後漢書曰承宮字少子遷左中

郎將名播匈奴時北單于遣使求得見宮顯宗敕自整飾宮對曰曩翟暄名非識實者也臣狀醜不可以示遠

宜選有威容者帝以大鴻臚魏應代之

蜀志曰宗預

為右中郎將使吳孫權問預曰東之與西譬猶一家而

聞西更增白帝之守何也預對曰臣以為東益已丘之

戍西增白帝之守皆事勢宜然俱不足相問也權大笑

甚愛待之

江革恩寵莫與為比

臧宮質樸故常見

用侍進乃拜恒目禮焉時有疾不會輒敕太官送醵膳

恩寵莫與為比於是京師貴戚衛尉馬廖侍中竇憲慕

其行各奉書致禮革無所報受帝聞而益善之後漢

書曰臧宮字君公轉左中郎將武漢賊至江陵降

之凡將兵二十餘年以謹信質樸故常見任用

辛

慶忌以光祿大夫轉

段會宗以金城太守遷

漢書曰辛慶忌

以光祿大夫遷左曹中郎將

又曰段會宗以金城太守遷左曹中郎將光祿大夫使安輯烏孫會宗還奏事

公卿議會宗權得便宜以輕兵深入烏孫即誅番兵宣明國威宜加重賞天子賜會宗爵關內侯黃金百斤是

時小昆彌繼父卑爰寔擁衆欲害昆彌漢復遣會宗使安輯與都護孫建併力

### 五官左右中郎將四

原主左署郎

續漢書百官志曰左中郎將比二千石主左署郎屬官有中郎侍郎郎中皆無員

主右署郎

又曰右中郎將比二千石主右署郎屬官有中郎侍郎郎中皆無員

備禮

徵拜

順帝時備禮徵拜樊英為五官中郎將按後漢書樊英傳云天子為英設壇席令公車令導尚書奉



引賜几杖待以師傅之禮延問得失英不敢辭乃拜五官中郎將

勞以手書

東觀漢記曰馬

嚴字威卿為五官中郎將邊境有事輒下嚴處便宜上時初立汲汲欲知下情引納教嚴有所聞見輒言帝令

諸上使詣省門上自勞以手書

增爵臨淄侯

冊府元龜曰蔡敬

為左中郎將時隨中山王英南討以功賜爵臨淄侯

封西鄉侯

又曰朱儁為右中郎將討潁川

汝南陳國諸賊悉皆破平之以功進西鄉侯

章帝甚重之

又曰魏應為五官中郎將經明

行修章帝甚重之數金進見論難於前特受賞賜

世祖甚嘉之

又曰周山圖為左中郎將

時沈攸之事起世祖為西討都督啟山圖為軍副世祖留據金城眾議益城小不如還都山圖曰今據中流為

四方勢援大衆致力川嶽可為城隍小城不足難也世祖委山圖以處分事旬日皆辦世祖甚嘉美之

原置官屬副丞相

魏志曰建安十六年天子命魏公子不為五官中郎將置官屬副丞相

### 三署郎官一

原杜氏通典曰漢中郎將分掌三署郎有議郎中郎

此皆

六百侍郎此四郎中此三凡四等皆秦官無員多至千

人靈帝時三署郎皆掌門戶出充車騎其散郎謂故卿吏二千餘人

校尉牧守待價於此公車特徵賢良方正敦樸有道高

節公府掾曹試博士者亦充茲位其下第白衣試博士

者皆拜郎中中郎有五官左右三將

謂五官中郎將左右郎將郎中

有車戶騎三將

如淳曰主車曰車郎主戶衛曰戶郎漢舊儀曰郎中令主郎中左右車將主左

右車郎左右戶郎凡郎官皆主更直執戟宿衛諸殿門唯

議郎不在直中

漢儀曰三署郎見光祿勳執板拜見五官左右郎將執板不拜於三公諸卿無

敬郎官故事令出錢市財用給文書乃得出時號曰山

郎

謂以貲財為郎山者財用之所出故取名或至歲不得休沐其豪富郎日

出遊戲或行錢得善部貨賂流行轉相倣效楊惲

字子幼

為中郎將罷山郎其疾病休沐皆以法令有過奏免薦舉其高第有行能者多至郡守九卿三署化之莫不自

勵宮殿之內翕然同聲其後遂以為常

後漢和帝永元元年初令郎官

詔除者得占丞尉以比秩為真

凡三署郎官二漢並屬光祿選三署郎

有行應四科者歲舉茂才二人四行二人

後漢范滂字孟博舉孝廉

光祿四行時冀州飢荒盜賊羣起乃以滂為清詔使以按察之滂登車攬轡慨然有澄清天下之志及到州境守令有賦污者望風解印綬而去其所舉奏莫不厭塞眾議又上廉吏六人為長理

劇隨缺多少萬戶以上為劇縣其缺少者不選公府亦

然故明帝時館陶公主為子求郎帝不許賜錢十萬曰

夫郎官上應列宿出宰百里苟非其人人受其殃

後漢桓靈

間三署見郎七百餘人而郎國計吏多留拜為郎太尉  
楊秉上疏諫曰先王建國順天置官太微積星名為郎  
位入奉宿衛出牧百姓云云案自近代皆謂郎官工應  
列宿出宰百里為尚書郎故事凡夫天文有武賁郎位  
等三星皆在太微帝座之後為翊衛之象則應劭楊秉所  
言三署郎是也而世人謂之尚書郎則誤矣徵其失也  
蓋自梁陶藻職官要錄以漢三署郎故  
事通為尚書郎循名失實疑誤後代

舊有郎中將右

騎光武中興悉省

漢袁盎卜式張敖並為中郎韓信主  
父偃並為郎中後漢明帝性褊察嘗

以事怒郎樂崧崧走入牀下上將杖撞崧崧曰天子穆  
穆諸侯皇皇未聞人君自起撞郎上乃舍之又班固二  
代位不過郎又陳蕃諫靈帝曰昔明帝公主為子求郎  
賜錢十萬今陛下除拜郎吏無有休已以一郎比一把

萊晉議郎遷為太守

山公啟事曰議郎許允  
宜參充廣漢太守選

亦有郎中

等官其後雖有中郎將等官而無三署郎矣

### 三署郎官二

增漢書曰馮奉世選為郎年四十餘乃學春秋讀兵書  
前將軍韓增奏為軍司空令 又曰劉向年十二以父  
德任為輦郎既冠以行修飭擢為諫大夫 後漢書曰  
張酺永平九年顯宗為四姓小侯開學於南宮置五經  
師酺以尚書教授數講於御前以論難當意除為郎賜  
車馬衣裳 陳蕃傳曰蕃拜尚書時詔下州郡一切皆

得舉孝廉茂才蕃上疏駁之曰三署郎吏二千餘人三府掾屬過限未除但當擇善而授之簡惡而去之豈煩一切之詔以長請屬之路乎以此忤左右出為豫章太守

三署郎官三

增使賦平樂

給札蘭臺

漢書曰枚舉上書北闕自陳枚乘之子上得之大喜召入

見待詔舉因賦殿中詔使賦平樂館善之拜為郎後漢書曰賈逵叔儻有大節尤明左氏傳國語為之解詔有神雀集宮殿官府帝勅蘭臺給筆札使作神雀頌拜

為郎與班固並校  
秘書應對左右

### 選送大宛

募使月氏

漢書曰馮奉世以良

家子選為郎烏孫大有擊匈奴之功而西域諸國新輯漢方善遇欲以安之選可使外國者以衛侯使持節送

大宛諸國客又曰張騫建元中以郎應募使月氏匈奴得之留騫十餘歲子妻有子然騫持漢節不失

### 數出西域

### 還到龜茲

又曰鄭吉以卒伍從軍數出西域由是為郎為人強執習外國

事

又曰傳介子元鳳中以駿馬監使大宛還到龜茲

龜茲言匈奴使從烏孫還在此介子因率其吏士共誅

匈奴使者還奏事

### 潰圍陷陣

### 銳精覃思

又曰趙充國以假司

詔拜介子為中郎

### 潰圍陷陣

### 銳精覃思

又曰趙充國以假司

馬從戎師將軍擊匈奴大為所圍漢軍乏食數日充國

乃與壯士百餘人潰圍陷陣身被二十餘創詔徵充國

詣行在所武帝親見視其創嗟歎之拜為中郎後漢

書曰陳元習左氏春秋銳精覃思至不與鄉里通以父



任為郎建武初元與桓譚杜林鄭興俱為學者所宗

格殺猛獸

趙踰亭樓

漢書

曰李廣為郎騎常侍數從射獵格殺猛獸又曰甘延壽不逢時令當高祖世萬戶侯豈足道哉

又曰甘延壽

少以良家子善騎射為羽林投石拔距絕於等倫嘗趙踰羽林亭樓由是遷為郎

應對莫窮

體貌甚麗

又曰東方朔與幸倡郭舍人相難問朔應聲輒對變詐鋒出莫能窮者左右大驚上

以朔為常侍郎遂得愛幸又曰車千秋為高寢郎長八尺餘體貌甚麗

安世精力樊

楚重慎

又曰張安世少以父任為郎用善書給事尚書精力於職休沐未嘗出後漢書曰樊楚為郎

二十餘年三署服其重慎

寬饒對策

耿秉言兵

漢書曰蓋寬饒以孝廉為郎舉

方正對策高第遷諫大夫司馬兵法以父任為郎數上言

後漢書曰耿秉能說兵事顯宗然其言

### 三署郎官四

增與方進交

漢書曰何武以射策甲科為郎與翟方進交志相友光祿勳舉四行遷為鄆令

與劉歆並

又曰楊雄奏羽獵賦除為郎給事黃門與王莽劉歆並

釋之以貲為

郎

又曰張釋之與兄仲同居以貲為騎郎事文帝十年不得調釋之曰久宜減仲之產欲免歸中郎將袁盎

知其賢乃請徙

相如以貲為郎

又曰司馬相如少時好讀書學擊劍以貲

為郎事景帝為武騎常侍為郎數歲上遣相如責唐蒙等因諭告巴蜀民

### 虎賁中郎將一

原杜氏通典曰周官有虎賁氏掌領虎士八百人軍旅

會同君宿於外則守王閤

閤音極極行馬也

漢武帝建元

三年初置期門比郎中蓋以微行出遊選材力之士執

兵從送期之諸門故名期門無員多至千人平帝元始

元年更名虎賁郎置中郎將領之故有虎賁中郎將主

虎賁宿衛冠插兩鵞尾

後漢崔鈞為虎賁中郎將服武弁戴鵞尾

紗縠單衣

虎文錦袴餘郎亦然凡有虎賁中郎將虎賁侍郎虎賁

郎中節從虎賁皆父死子繼若死王事亦如之前賢亦

多為者

後漢馬援孔融並為虎賁中郎將遷尚書魏

唐

無 增續漢書曰虎賁中郎將秩比二千石虎賁中郎  
比六百石虎賁侍郎比四百石虎賁郎中比三百石虎  
賁比二百石皆無員數直宿衛侍從虎賁武騎皆鶡冠  
虎文單衣

虎賁中郎將二

增尚書牧誓曰戎車三百兩虎賁三千人與紂戰於牧  
野作牧誓 周書曰古有虎賁士千人以牛投牛以馬  
投馬以車捧車 東觀漢記曰馬援從隴西太守遷虎

賁中郎將 又曰馬后不以私家干朝廷兄馬防為虎賁中郎將訖永平世不轉 又曰太后姊子夏壽等私呼虎賁張鳴與教戲爭鬪上特詔曰爾虎賁將軍家國厚恩位在中臣宿衛禁門當進人不避仇讎舉罰不避親戚今者久於殿中交通輕薄畏懦恣縱此皆生於不學之門所致也 又曰馬廖任隗皆從羽林監遷虎賁中郎將 漢名臣奏曰丞相薛宣奏漢興以來深考古義推萬變之備於是制宣室出入之義正輕重之罰故

司馬殿省闕至五六里周衛擊刁斗防未然也陛下聖德純備海內晏然此國家之明制必前後備虎賁後魏書曰韓茂膂力絕人尤善騎射太宗曾親征丁零翟猛茂為將軍執幢時大風諸軍旗旌皆偃仆於地茂馬上將幢初不傾倒太宗異而問之尋徵詣行在所試以騎射深奇之以茂為虎賁中郎將九州春秋曰袁術為虎賁中郎將張讓殺何進術斫閤起火

虎賁中郎將三

原冠鷩尾

服虎文

漢官儀曰虎賁中郎將戴鷩冠鷩

推碎闕不死

績漢書百官志曰虎賁服虎文

章服裏邑

歲獻織

馬防不遷

潘岳寓直

郎將二見上虎賁中

岳秋興賦云余春秋三十有二始見二毛以太尉

增

董允解驂

陳稜開霧

虎賁中郎將統宿衛允為侍中領

濟等共期遊宴嚴駕已解而郎中董恢詣允脩敬恢年

少官微見允傳出逡巡求去允不許曰本所以出者欲

與同好遊談也今君已自屈方展閣積捨此之談就彼  
之宴非所謂也乃命解驂其守正下士凡此類也又  
曰陳稜為虎賁郎將發東陽兵擊琉球國其日霧  
雨晦冥將士皆懼稜刊白馬以祭海神既而開霧  
原

主宿衛屬官

掌軍旅會同

續漢書百官志曰虎賁中郎將比二千石主虎賁宿

衛屬官有左右僕射左右陞長各一人僕射主虎賁郎習射陞長主直虎賁朝會在殿中皆無負掌宿衛侍從

自節從虎賁久者轉遷才能差高至中郎周禮曰虎賁氏掌先後王而趨以卒伍軍旅會同亦如之舍則守

王閑王在國則守王宮國有大故則守王門通四方使則從士大夫

增光武歎何湯

太武壯韓茂

冊府元龜曰後漢何湯為虎賁中郎將光武嘗歎曰赴赴武夫公侯干城何湯之謂

也又曰北魏韓茂為虎賁中郎將從征統萬大破之及從平平涼茂所衝莫不應弦而殪由是太武壯之

原孔融三日而遷

張純一日數見

續漢書曰孔融

職三日而遷虎賁中郎將會董卓廢立融每因對答輒有匡正之言以忤卓旨轉為議郎時黃巾寇數州而北



海最為賊衝車乃諷三府同舉融為北海相融負其高氣志在靖難而才疎意廣迄無成功又曰張純兼虎賁中郎將一日至數見持重慎密時上封事削去革清廉自守

### 虎賁中郎將四

原奉書四方

周禮曰若道路不通有微事則奉書以使於四方

如虎奔走

漢官

儀虎賁中郎將古官也尚書稱武王虎賁八百人會受於牧野言其猛恣如虎之奔走古有勇士孟賁故曰虎

賁蓋依此是已

增每有戰功

冊府元龜曰北齊莫多妻貸文為武賁中郎將從神武擊爾朱

北於廣阿有功時汾州多邊寇高祖往討之以貸文為前鋒遇敵每有戰功

所向皆破

又

斛斯萬善為武賁中郎將突厥始平之圍鴈門也萬善奮勇擊之所向皆破每敵至必出以當其鋒

閑

於進對

又曰後漢馬援常受齊詩師事潁川滿昌後為虎賁中郎將援閑於進對尤善述前世行事每

言及三輔長者下至閭里少年事皆可觀聽

辭氣抑揚

又曰閭毗領武賁郎將典宿衛諸軍

國遠東城令毗詣城下宣諭賊弓弩亂發失中所乘馬叱顏色不變辭氣抑揚事卒而去

請擊烏

桓又曰後漢馬援為虎賁中郎將擊交趾徵側軍還謂平陵人孟冀曰方今匈奴桓尚擾北邊欲自請擊

之男兒要當死於邊野以馬革裹屍還葬耳何能臥牀上在兒女手中耶會匈奴桓寇扶風援因請行乃許

之分擊

琉球

又曰陳稜為武賁郎將與朝議大夫張鎮周發東陽兵萬餘人自義安汎海擊

琉球國分為五軍趨其都邑其王渴剌兜率其眾逆拒稜遣鎮周為先鋒擊破之

為逐賊將

軍又曰張敖提為虎賁郎京畿盜賊自稱虎子豹子以救提為逐賊將軍朱樂獲虎子豹子及其黨與盡送

京師自  
是清淨

原箴漢崔駰虎賁中郎將箴曰赫矣帝臣爰奮厥武桓  
桓征夫矯矯其旅王師是成戎事是禦惟鳥之鵠惟靈  
之發出翼王路入司階闢功懋閑邪憂其萌孽

中郎將一

雜中郎將附

增文獻通考曰使匈奴中郎將

後漢主護南單于以張  
奐為之後魏天興四年

罷

平越中郎將

晉武置理廣  
州主護南越

司金中郎將

趙王循  
為之

武衛

中郎將

魏以許  
褚為之

唐無

匈奴中郎將

續漢書曰張奐

字然明與段紀明皇甫威明號涼州三明並為匈奴中

郎將 魏畧曰河北始開冶以王修為司金中郎將修

奏記曰修聞枳棘之林無柱梁之質涓流之水無洪波  
之勢是以在職七年忠謹不昭於時功業不見於事力

少任重不堪為懼 魏志曰任峻字伯達為典農中郎

將數年所在積粟廩倉皆盈 又曰毋丘儉字仲恭河

東聞喜人為洛陽典農時取農民以治宮室儉上疏曰

臣愚以為天下所急除者二賊所急務者衣食誠使二

賊不滅士民飢凍雖崇美宮室猶無益也 魏略曰上

以農殖大事將選典農以徐邈為潁川典農中郎將所

在著稱 魏志曰許褚字仲康太祖與遂超等單馬會

語左右皆不得從唯將褚超負其力陰欲突太祖素聞

褚勇疑從騎是褚乃問太祖曰公有虎侯者安在太祖

顧指褚褚瞋目盼之超不敢動乃各罷後數日會戰大

破超等褚身斬首級遷武衛中郎將武衛之號自此始

也 後漢書袁紹傳曰魏郡兵反賊有陶升者自號平

漢將軍獨反諸賊將部衆踰西城入閉府門具車重載

紹家及諸衣冠在州內身自扞衛送到斥丘紹還因屯

斥丘以陶升為建義中郎將 漢書曰武帝拜張騫為

中郎將使西域 又曰宣帝即位詔曰朕微眇時故掖

庭令張賀輔導朕躬賀有孤孫霸七歲拜為中郎將

東觀漢記曰更始入長安多用羣小時人為之語曰竈

下養中郎將 後漢書曰董卓以呂布為騎都尉誓為

父子甚愛信之遷至中郎將卓自知凶恣每懷猜畏常

以布自衛小失卓意拔手戟擲之布拳捷得免而改容  
頓謝卓意亦解布由是却怨於卓 蜀志曰霍峻字仲  
邈南郡枝江人也兄篤於鄉里合部曲數百人篤卒荆  
州牧劉表令峻攝其衆表卒峻率衆歸先主先主以峻  
為中郎將 又曰劉焉江夏人少在州郡以宗室拜中  
郎將又曰張飛字翼德涿州人也少與關羽俱事先主  
羽年長數歲兄事之先主從曹公破呂布還許昌曹公  
拜羽飛為中郎將

# 中郎將二

原納叛羌 迎單于

續漢書曰皇甫規以西羌之叛為中郎將討納叛羌 漢官儀曰建

武二十四年遣中郎將段柳迎單于五原塞

衛綰長者

郅都敢諫

漢書曰衛

綰以戲車為郎事文帝功次遷中郎將醇謹無他文帝且崩時屬孝景曰綰長者善遇之及景帝立歲餘幸工

林詔中郎將驂乘還而問曰君知所以得驂乘乎綰曰臣代戲車士幸得功次遷侍罪中郎將不知也上重其

醇謹案戲車謂能左右超乘也又曰郅都為中郎將敢直諫面折大臣于朝常從入上林賈姬在廁野彘入

廁上欲自持兵器救賈姬都伏上前曰陛下縱自輕奈宗廟太后何太后聞之賜都金百斤上亦賜金百斤

增烏桓迎拜

大食款塞

冊府元龜曰種暹為使匈奴中郎將時遼東烏桓叛



復轉遼東太守烏桓望風率服迎拜於界上又曰唐李嗣業為中郎將天寶時征勃律遂長驅至其城擒勃律王於是拂林大食諸國皆歎塞朝獻嗣業之功也

賜之金券

衣以錦袍

又

唐堯君素大業末為鷹揚郎將兵起從屈突通鎮河中通出戰被執城圍甚急君素作木鵝置書於頸浮之黃河以求外救高祖賜之金券許以不死又令妻至城下呼之君素引弓射之又曰唐王難德為騎將吐蕃寇河源難德為軍鋒贊普有子曰瑯支都恃其趨悍來較鬪難德突往刺之斬其首以歸元宗召問之因令馳突作殺瑯支都狀大壯之衣以錦袍

斷橋瞋目

驅馬

疾呼

通鑑曰張飛字翼德為中郎將曹操入荊州先主奔江南操追之一日一夜及於當陽之長坂先主

棄妻子走使飛將二十騎拒後飛據水斷橋瞋目橫矛曰身張翼德可來共決死敵皆無敢近者故得免

冊

府元龜曰吳程普為丹陽都尉從孫策征討策攻祖郎  
被圍普與一騎共破扞策驅馬疾呼以矛突賊賊彼策  
因隨出拜壘  
寇中郎將  
輕騎鈔擊  
精卒先登  
又曰後漢任尚

將率羽林銳騎五營子弟三千五百人代班雄屯三輔  
虞翻說尚曰兵法弱不攻強走不逐飛今敵皆馬騎日  
行數百以步追之勢不相及莫如罷諸郡兵各令出錢  
共市一馬如以此以萬騎之衆逐數千之寇追尾掩截其  
道自窮尚用其計乃遣輕騎鈔擊杜季貢於丁奚城斬  
首四百餘級獲牛馬羊數千頭又曰賀齊為武威中  
郎將常討山賊賊中有善禁者每當交戰官軍刀劍不  
拔弓矢還自射賀曰吾聞金有刃者可禁不能禁無刃  
之物乃多作勁木白梧選有力精卒為先登賊持其善  
禁了不嚴備於是官軍以白梧擊之禁不復行所擊殺  
者萬  
田豫威名  
徐盛忿怒  
又曰田豫為護匈奴中  
計  
郎將領并州刺史塞外

聞其威名相率來獻州界寧肅百姓懷之又曰吳徐  
盛為中郎將大帝為魏稱藩魏使邢貞拜為吳王帝出  
都亭候貞貞有驕色盛忿憤顧謂同列曰盛等不能奮  
身出命為國家并許誰吞巴蜀而令吾君與貞盟不亦  
辱乎因涕泣橫流貞聞之謂其旅使護西域求佐  
曰江東將相如此非久下人者也

王師又曰後漢鄭眾明帝時為軍司馬使與虎賁中郎  
將馬廖擊車師至燉煌拜為中郎將使護西域會

匈奴脅車師圍戊己校尉眾發兵救之遷武威太守  
又曰張燕為平難中郎將太祖將定冀州燕遣使求佐

王師拜平北將劉隆破交趾霍峻守葭萌又曰後  
軍率眾詣鄴

為騎都尉封亢父侯以中郎將副伏波將軍馬援擊交  
趾徵側等隆別於禁谿口破之獲其帥徵貳還更封大

國為長平侯又曰蜀霍峻為中郎將先主自葭萌南  
還襲劉璋留峻守葭萌城張魯遣將楊帛誘峻峻曰頭

可得城不可  
得帛乃退去

諸將恐懼獨率兵斫敵衛士散走遂

登門叫呼

又曰吳徐盛為中郎將督校兵曹公出濡須從大帝禦之魏常大出橫江盛與諸將俱赴

時乘蒙衝遇汎風船落敵岸下諸將恐懼盛獨率兵上突斫敵敵披靡退走風止便還大帝壯之又曰唐薛

仁貴為右領軍郎將北門長上永徽五年駕幸萬年宮甲夜山水至衝突元武門宿衛者走散仁貴曰安有大子有急輒敢懼死遂登門枕叫呼以警宮內帝遽出乘高俄而水入寢殿帝謂仁貴曰賴卿得免淪溺始知有忠臣也賜御馬一匹

### 中郎將三

原倉庫並盈

魏志曰任峻字達伯為典農中郎將所在積粟倉庫皆盈

所在著稱

又曰上以典農大事以徐邀為典農中郎將所在著稱

增殿上皆懼

通鑑曰漢李布孝惠

帝時為中郎將軍樊噲曰臣願得十萬眾橫行匈奴中諸將議之上將軍樊噲曰臣願得十萬眾橫行匈奴中諸將皆阿呂太后以噲為然布曰噲可斬也夫以高帝兵三十餘萬困於平城噲時亦在其中今噲奈何以十萬眾橫行匈奴中面諛欲搖動天下是時殿上皆懼太后罷朝遂不復議匈奴

殿內翕然

冊府元龜曰楊惲為中郎將令行禁止宮殿之內翕然同聲

伐山開道

又曰後漢來歙為中郎將襲畧陽伐山開道從番須田中徑至畧陽斬隗囂守將金梁因

保其城蹕大驚

斬山為道

又曰賀齊為威武中郎將討丹陽黠歙黠帥陳僕等

曰何其神也

屯林歷山山壁立高數十丈徑危狹賊臨高下石不可攻齊陰募士為作鐵戈密於所不備處以戈柘斬山為

緣道夜令潛上得數百人四面鳴鼓角賊聞鼓聲  
驚亂備險者皆走還大軍因是遂上大破僕等

一

旗先登

又曰唐李嗣業為中郎將天寶時安西都知兵  
馬使高仙芝征勃律遷嗣業為左右陌刀將于

時吐蕃聚眾婆勒城據山因水編木為城仙芝至城下  
謂嗣業曰不午時須破此賊嗣業乃引步軍持長刀上

山獨引一旗于絕險處先登諸將因之

匹馬先入

又曰

齊上賊大驚潰擒勃律王吐番公主

匹馬先入

又曰

唐薛仁貴顯慶中為右領軍郎將與高麗大將溫沙多  
門戰于橫山仁貴匹馬先入莫不應弦而倒高麗有善

射者于石城下射殺十餘人仁貴單馬直往  
衝之賊弓矢俱失手不能舉于是生擒之

擊桂陽

賊又曰度尚為中郎將時擊斬桂

擊瑯琊賊

又曰段紀明為

中郎將擊瑯琊賊東郭寶公孫  
舉等大破之詔賜錢五十萬

三州清定

又曰後漢張奐為護

匈奴中郎將以九卿秩督幽并涼三州擊破岸羗三州清定

涼州流通

又曰後漢

時為中郎將平隴西既而人多飢乏流者相望歛乃傾倉廩轉運諸縣以賑贍之於是隴西遂安而涼州流通

馬

著二十七篇

又曰後漢皇甫規為中郎將持節監關西兵討零吾等破之歷遷度遼將

軍護羗校尉所著賦銘碑贊等凡二十七篇

著二十四篇

又曰後漢張奐師事太尉朱寵

學歐陽尚書後為使匈奴中郎將著尚書記難三十餘萬言又著銘頌書教等凡二十四篇

書招

隗囂將

又曰後漢來歙為中郎將建武七年帝乃使歙以書招隗囂大將軍王遵遵乃與家屬東詣京

師

離間元海部

又曰晉劉琨為并州刺史領匈奴中郎將劉元海時在離石相去三百里

許琨密遣離間其部降者萬餘落元海懼遂城蒲子而居之

與徐璆討黃巾

又曰朱雋

為鎮賊中郎將與徐璆共討黃巾擊賊帥趙弘斬之餘賊復據宛乞降不許因急攻之不克雋謂張超曰賊乞降不受欲出不得所以死戰也不如徹圍忠果出戰大破之必自出此易破之道也既而圍解忠果出戰大破之

### 與周瑜困曹仁

瑜又曰吳呂蒙為橫野中郎將蒙與周

舉軍來附瑜表以肅兵益蒙蒙稱肅有膽用且慕化遠來於義宜益不宜奪也大帝善其言乃還肅兵

### 原設方略群盜悉破

東觀漢記曰段熲字紀明有文武智略時東郭實公孫舉等聚眾三

萬人為亂遣兵討之連年不克桓帝詔公卿選將有文武者司徒尹詡薦熲乃拜為中郎將熲到施設方略旬

月羣盜悉破

### 宣方略匈奴乞降

謝承後漢書曰張奐字然明為使匈奴中郎將率步

騎二萬宣布方略大破鮮卑匈奴惶懼詣奐乞降聲勢猛烈其後戰慄不敢犯邊時休屠等反眾大懼奐安坐



韓中與弟子講論自

相如建節使邛笮

漢書曰司馬相如為中郎

將建節使邛笮至蜀太守以下郊迎縣令負弩矢先驅蜀人皆以為寵於是卓王孫及臨邛諸公因門下獻牛

酒以

蘇武持節使匈奴

又曰蘇武字子卿以中郎將持節使匈奴副中郎將張勝

及常惠以事犯單于名武受辭武謂惠曰屈節辱命雖生何面目以歸漢引佩刀自刺武氣絕半日復息匈奴知武不可脅乃幽武穴中絕不飲食天雨雪齧雪與旃毛并吞之數日不死匈奴以為神徙武北海無人處使牧羖至海上廩食不至掘野鼠去草實而食之故節旄盡落

口對兵事畫地成圖

又曰張安世子千秋與霍光子禹俱為中郎將將兵隨度遼將軍范明友擊烏桓還謁大將軍光問千秋戰鬪方略山川形勢千秋口對兵事畫地成圖無所亡失光復問禹禹不能記曰皆有文書光由是賢千秋以禹為

不才數曰霍氏  
世衰張氏興矣

口陳西域手畫地形

謝承後漢書曰

於從政為漢良吏還匈奴中郎將討賊有功還見太尉  
問其西域諸國土地風俗人物種類畧悉口陳且手畫  
地形因奇其才數曰設班

固作西域傳又何以如此

子幼法令從事郎官化之

漢書曰楊惲字子幼為中郎將以法令從事郎謁  
者有罪過輒奏免絕請謁貨賂之端令行禁止

威

明巡視將士三軍感悅

謝承後漢書曰皇甫規字威明

為中郎將討降會軍士郎將大疫  
規親入庵廬巡視將士三軍感悅

### 中郎將四

增詩唐岑參送劉郎將歸河東詩曰借問虎賁將從軍

凡幾年殺人寶刀缺走馬貂裘穿山雨醒別酒關雲迎  
渡船謝君賢主將豈忘輪臺邊

增誌唐張說郎將葛君墓誌曰公諱威德字某葛氏本  
梁國寧陵人也公室無陶白之資朝無金張之援不承  
過庭之訓不漸鼓篋之術而能奮飛喬木獨拔深濟早  
以武藝妙選供奉每扈遊別館侍蹕禁林何嘗不左發  
五紆傍連雙兔入陪內仗思馬斯才出典外軍握兵之  
要所謂白珪特達青雲自致者也

# 四中郎將一

原杜氏通典曰東中郎將

後漢靈帝以董卓為之

南中郎將

後漢獻帝

以臨淄侯

西中郎將

晉以謝曼桓冲為之

北中郎將

後漢以盧植為之建安中

以郗陵侯曹彰為之

並後漢置江左彌重或領刺史或持節為之

銀印青綬服同將軍後魏靈太后時四中郎將兵數寡

弱不足以襟帶京師任城王澄奏宜以東中帶滎陽郡

南中帶魯陽郡西中帶弘農郡北中帶河南郡選二品

三品親賢兼稱者居之配以強兵則深根固本之計也

靈太后初從之後復止唐至德後節度都團練使殆其遺職

增沈約宋書曰西平

中郎將南北東西中郎將後漢號也

### 四中郎將二

原鄆陵代郡

山濤守鄴

年魏志曹彰傳曰建安二十一年

代郡烏桓反以彰為北中郎將行驍騎將軍彰北征入

涿郡界叛兵數千騎卒至時兵馬未集用田豫計固守

園乃退散彰追之射敵騎應弦而倒者相屬彰鎧中數

箭意氣益厲乘勝逐北至於桑乾晉書曰山濤轉北

中郎將督鄴城守事

蔣濟請留

任城奏選

帝踐祚出為東中

郎將蔣濟請留詔曰天下未寧要須良臣以靖邊境

如其無事乃還鳴玉未為遲也任城事詳上通典

增荀羨年少

叔優才宜

晉中興書曰荀羨為北中郎將徐州刺史時年二十八

郭泰別傳曰王叔優問才之所宜於郭泰答曰當以武官顯叔優後至北中郎將

### 四中郎將三

增文武兼資

魏志曰蔣濟字子通文帝即位為東中郎將後曹仁薨復以濟為東中郎將代領其

兵詔曰卿兼資文武常有超越江湖吞并吳會之志故復授將帥之任

文武器任

晉起居注

曰武帝泰始二年詔鄴城守事宜速有人又當得親有文武器任者高陽王珪今來之國雖當出為蕃輔以

才幹事亦古之制也其以珪為督鄴城守事北中郎將

監沔中軍事

冊府元龜曰桓宣監

沔中軍事南中郎將江夏相鎮襄陽十餘年間石季龍再攻之宣能得衆心每能以寡弱距守論者以為次于

祖邀周訪

隸平南將軍

又曰張浦為南中郎將南蠻校尉隸平南大將軍

原曹

植沈醉太祖罷之

魏志曰魏太祖以曹植為南中郎將行征鹵將軍時欲遣救曹仁乃呼有

所救戒植沈醉不能受命於是悔而罷之

石崇得鴛傳祇奏之

晉書曰石崇為南中

郎將得鴛鳥雛以與後軍將軍王愷為鴛害之事時制鴛不得過江為司隸校尉傅祇所糾詔原之燒鴛於都街

郎中一

原入賀秦王

上書光武

韓子曰秦昭王有病百姓為之禱病愈殺牛賽禱郎中問

遇公孫衍出見之曰非社臘之時也莫自殺牛而祠社怪而問之百姓曰人主病為之禱今病愈殺牛賽禱閭

過公孫衍說見王拜賀曰過堯舜矣王驚曰何謂也對曰堯舜其民未至為之禱也今王病而民以牛禱病愈殺牛賽禱故臣以為王過堯舜也王因使人問之何里為之訾其里正與伍老屯二甲注屯罰也論衡曰郎

中王賁上書光武言孝文皇帝時居明光宮斷獄三人也

使成前書 令校圖識

華嶠後漢書曰班固拜為郎中使終成前所著書學者莫不諷誦自為郎中遂見親近讀書禁中或連日繼夜

每行巡狩輒獻上賦頌朝廷有大議使難問公卿辨論於前賞賜恩寵甚渥然二世位不過郎中謝承後漢

書曰尹敏字功季治尚書拜郎中帝以敏博通經記令校圖識

增季布推剛 馮緄

赴急

漢書曰汝陰侯滕公知朱家大俠意季布匿其所侍間果言如朱家指上乃赦布諸公皆多布能推

則為柔布召見謝拜郎中後漢書曰馮緄為郎中家富好施賑赴窮急為州里所歸

周防受



書

袁京習易

又曰周防師事徐州刺史蓋豫受古文尚書經明舉孝廉拜郎中又曰袁京

習孟氏易作難記三十萬言拜郎中

高詡信行

包咸孝廉

又曰高詡以父任為

郎中以信行清操知名王莽篡位父子稱盲逃不仕又曰包咸舉孝廉除郎中建武中入授皇太子論語

明絳侯無罪

諫鄧后臨朝

漢書曰孝文即位爰益兄噲任益為郎中絳侯

為丞相朝罷上常目送之益曰絳侯功臣非社稷臣絳侯望益曰吾與汝兄善今兒乃毀我及絳侯就國人上書告以為反徵詣請宣諸公莫敢為言唯益明絳侯無罪後漢書曰杜根舉孝廉為郎中時和熹鄧后臨朝根以安帝年長宜親政事乃與同時郎上書直諫

郎中二

原志美行勵

謝承後漢書曰張堪字君遊年十六受業長安志美行勵諸儒號曰聖童世祖微時

見堪志操常嘉焉及即位中

清操自然

晉錄曰會稽相朱則上書

言楊泉清操自然徵聘終不移其心乃詔拜泉郎中

馮唐孝著

漢書曰馮唐以孝著為郎中署

長事文帝輦過問唐曰

黃香求養

謝承後漢書曰黃香字文強除為郎

父老何事為郎家安在

以父老乃求歸供養徵拜郎中帝召香在殿下問父年幾何何故不入公府

劉儉色養

徐廣

晉記曰東海劉儉請脩色養居喪過禮除郎中

增上言世務

漢書曰主父偃上書闕下是時

徐樂嚴安亦俱上書言世務書奏上因召見三人謂曰公皆安在何相見之晚也乃拜偃樂安皆為郎中

上述鴻業

後漢書曰帝東巡狩鳳凰黃龍並集楊終贊頌嘉瑞上述祖宗鴻業凡十五章徵拜郎中

虞詡孝養

又曰虞詡年十二能通尚書早孤孝養祖母縣舉順孫拜郎中

周興孝

友

又曰周興為郎中少有名譽尚書陳忠上疏薦興曰竊見光祿郎周興孝友之行著於閭門屬文著辭有

可觀采詔乃拜

黃童無雙

又曰黃香博學能文章京師號曰天下無雙江夏黃

興為尚書郎

童初除郎中肅宗詔香詣東觀讀所未嘗見書香後告休及歸京師時千乘王冠帝會中山邸乃召香於殿下

顧謂諸王曰此天下無雙江夏黃童者也左右莫不改觀

荀爽無雙

又曰荀爽字慈明潁川為

之語曰荀氏八龍慈明無雙延熹九年拜郎中

原謝廉通一經

東觀順帝紀曰陽嘉二年

汝南童子謝廉河南趙建年十三各通一經以大學初繕應召而至皆除郎中

宋均善論難

華嶠後漢書曰宋均字叔庠為郎中時年十五好經書每休沐日輒受業博士通詩禮善論難至二十餘調補

辰陽

# 冗從僕射一

期門僕射附

## 原掌射事

從遊獵

環濟要略曰冗從其有射事則掌  
續漢書百官志曰冗從僕

射秩六百石武帝置期  
門郎有僕射掌遊獵

## 領黃門

逐疫鬼

董巴中官  
傳曰黃門

非尚書者冗居宿衛直守戶行則騎從伏雕鉞帶赤質  
虎爪交劍童子佩刀從僕射領續漢書百官志曰先

獵一日儼逐疫鬼冗從僕  
射將之逐惡鬼於禁中也

## 增魏世因名

建元始號

宋書百官表曰冗從僕射漢東京有中黃門冗從僕射  
非其職也魏世因其名而置冗從僕射漢書曰建元

三年上微行始出北至池陽西至黃山南獵長楊東遊  
宜春乃詔隴西北地良家子能射者期諸殿門故有期

門之號自

陰興親信

辛毗精勤

後漢書陰興傳曰

此始也  
出入常操小蓋障風而躬履塗泥率先期門光武所幸之處輒先入清宮甚見親信  
魏志曰冗從僕射畢軌表尚書僕射王思精勤計略不及辛毗以毗代思

## 冗從僕射二

原索官以自顯

傅暢晉諸公贊曰新蔡武哀王司馬騰字元邁起家為冗從僕射意欲索官以

自顯由此求

和祥有識見

晉武帝起居注曰司馬東為南陽太守

識見才幹乃以

建初置期門僕射

漢書百官公卿表曰武帝建初三年

置期門郎有僕射以官

永壽置冗從僕射

續漢書百官志曰桓

帝永壽三年初  
置冗從僕射

居直門戶行夾輦轂

漢百官志曰期門郎有僕射掌

執兵送從宦者為之則號冗從居則直守門戶行則騎從夾輦轂

## 行人司一

增周禮曰大行人掌大賓之禮及大客之儀以親諸侯

註曰大賓要服以內諸侯大客謂其孤卿

春朝諸侯而圖天下之事秋覲以

比邦國之功夏宗以陳天下之謨冬遇以協諸侯之慮

時會以發四方之禁殷同以施天下之政時聘以結諸

侯之好殷覲以除邦國之慝間問以諭諸侯之志歸服

以交諸侯之福賀慶以贊諸侯之喜致禴以補諸侯之  
裁又曰小行人掌邦國賓客之禮籍以待四方之使  
者令諸侯春入貢秋獻功王親受之各以其國之籍禮  
之凡諸侯入王則逆勞于畿及郊勞胝館將幣為承而  
擯凡四方之使者大客則擯小客則受其幣而聽其辭  
使適四方協九儀賓客之禮朝覲宗遇會同君之禮也  
存類省聘問臣之禮也又曰大行人中大夫二人小  
行人下大夫四人馬融注云行人掌使之官正義云

周禮秋官有大行人小行人皆大夫也掌諸侯朝覲宗廟會同之禮儀及時聘會同之事則諸侯之行人亦然故云掌使之官謂掌其為使之官也 漢唐宋元俱無

續文獻通考曰明制行人司司正正七品行人司司副從七品行人司行人正八品 大明會典曰行人司司正一員行人司左右司副二員行人三百四十五員後減為三十七員

行人司二



增六節

五物

周禮曰山國用虎節土國用人節澤國用龍節皆以金為之道路用旌節門關

用符節都鄙用管節皆以竹為之又曰若國札喪則令賻補之若國凶荒則令賙委之若國師役則令襦襜

之若國有福事則令慶賀之若國有禍裁則令哀弔之凡此五物者治其事故

皇華

清詔

事文玉屑曰萬里皇華使草書考索曰冀州飢荒以范滂為清詔使按察之

行李

輜軒

左傳行人子員曰君有楚命亦不使一介行李告於寡君草書考索曰輜軒天子使臣也常以歲八月間遣

行求方言

四駱作歌

二星向益

毛詩曰駕彼四駱載驟駸駸宜不懷

歸是用作歌將母來諗

後漢書和帝分遣使各至州郡即採觀風俗有二人當到益州技館吏李郃舍郃曰

君發京師寧知朝廷二使何時發使驚問何以知之郃指星曰有二使星來向益部分野

孟陽游

寺

和甫擁麾

通鑑曰唐憲宗詔潘孟陽往江淮孟陽所至留連倡樂後鄭敬奉使江淮臨行

帝誠之曰毋若潘孟陽彈財費酣飲遊山寺而已類書纂要曰王荆公送劉和甫奉使江南詩曰劉郎今日

擁旌麾傳到江南喜可知

博望窮源

相如建節

史記曰漢武帝使博望侯張騫

窮河源

又曰漢武帝使司馬相如建節論蜀蜀太守以下郊迎縣令負弩矢先驅

各為一書

能知四國

周禮曰秋官小行人云及其萬民之利害為一書其禮俗政事教治刑禁之逆順為

一書其悖逆暴亂作惡猶犯令者為一書其札喪凶荒厄貧為一書其康樂和親安平者為一書釋曰各條錄

為一書以報上也

備考曰行人公孫揮能知四國之所欲為而辨其大夫族姓之班位貴賤能否而善為詞

令

薛侃真鐵

孟陽如玉

明獻徵錄曰嘉靖時薛侃為行人司司正疏請建儲

事下廷鞠侃曰明有君父豈有鬼神頭可斷心不可欺  
觀者噴噴以真鐵漢稱之又曰孟陽為行人四載不  
遷或戲之曰君見今行人孰三載不遷科道者乎君何  
不一謁當道而坐自淹也陽曰君子立身當如白玉少  
有瑕玷終身之耻吾  
却銀不受必死無歸  
又曰黃  
宣以官而易吾身乎  
行人使滿刺如國滿刺在嶺南西萬里外故事使臣得  
招商賈募習海事者以行有分堵常例度銀千兩乾亨  
却不受劉儼譔羅如壩墓誌曰正統十四年寇逼宣  
府行人羅如壩從駕親征臨行謂其家也我必死報國  
可抱我二子徵劉編修儼文以著我不朽劉  
聞之曰如壩必死無歸矣已而果死於難  
詹敬之

能盡職

王爾康好名山

張岳譔詹敬之墓表曰詹敬之為行人正德時以諫死嘉

靖初贈御史蓋以未官言路而死諫故以所能盡職者  
官其志云陶望齡譔王爾康墓誌曰行人王爾康先

後奉冊周唐淮府復奉詔諭湖廣餽  
問一無所受好遊名山遇輒留止

### 行人司三

增采風

唐詩類苑方干送人出使詩曰萬里采風詠

星使

高適詩曰星使出詞曹

報命

事文玉屑使臣復命曰報命

張旌

羣書考索奉使至其國則張旌而語其衆

王

事

唐詩類苑包何詩曰近遠從王事

王程

羣書考索奉使程期也王程有限

玉節

使

出往外國之使也

金華使

事文玉屑朝使也偶逢金華使

明駝使

鳳

舉使

俱出類書纂要

### 行人司四

增詩明何景明寄阮行人詩曰夫子風流士高懷近若

何張騫能奉使阮籍自行歌文字留中嶽樓船渡大河

梁都看不遠枉駕幾時過 李攀龍送章行人使潞藩

詩曰使者持符下風塵叱馭前諸侯城赤翟列嶂黨青

天牟麥祈年時芙蓉避暑筵相逢多愛客共賦遠遊篇

李夢陽送李行人還朝詩曰南使樓船漫北迴西巡

車駕歟東來星辰再逐千官入闔闔重臨萬國開寒盡

旌旗猶拂雪春新環珮且沾梅虞絃定有薰風奏佇望

陽和徧九垓

增歲明宣宗行人司箴曰法古建官以熙于治國之行  
人實承周制慎簡髦士俾居俾臧朝有命令肅肅用將  
有容有章必敬必飭毋為奇衰毋縱貪墨載馳載驅周  
爰咨諏靡及之懷益戢弗渝克篤念茲不忝于士不忝  
于國有聞于世

奉朝請一

增文獻通考曰奉朝請無員本不為官漢東京罷省三

公外戚皇室諸侯多奉朝請奉朝請者奉朝會請召而  
已晉武帝亦以皇室外戚為三都尉而奉朝請焉元帝  
為晉王以叅軍為奉車都尉掾屬為駙馬都尉行叅軍  
舍人為騎都尉皆奉朝請後罷奉車騎二都尉唯留駙  
馬都尉奉朝請而已諸尚公主者若劉惔桓溫等皆為  
之宋武帝永初以來以朝請選雜其尚主者唯拜駙馬  
都尉齊奉朝請駙馬都尉及散騎給事中等官並集書  
省職朝散用衣冠之餘人數猥積武帝永明中奉朝請

至六百餘人隋開皇三年罷奉朝請

## 奉朝請二

原位次三公

續漢書曰前漢列侯奉朝請在長安位次三公

宜兼三公

晉太常劉

寔表曰郊廟諸王見在

奉朝請宜兼三公奏可

從容閑豫

晉起居注曰武寧三年詔曰前相國

豫主簿雖奉朝請並從容閑豫若大縣關宜以治民也

與上臥起

漢書曰董賢為大司馬董

氏親屬皆侍中諸曹奉朝請寵在丁傳之右矣賢貴震朝廷嘗與上臥起

皆奉朝請

又曰霍光

自昭帝時子禹及兄孫雲皆中郎將雲弟山奉車都尉侍中光兩女壻為東西宮衛尉昆弟諸壻外孫皆奉朝

請為諸曹大夫騎都尉給事中黨戚連體根據於朝廷

獨奉朝請

漢官解詁曰三輔職如郡



守獨奉朝請成帝時張禹避位特進奉朝請又以關內侯蕭望之大司馬嘉皆奉朝請光武時司徒魏驥孫資

特進奉

與太子遊處

晉書晉武帝詔曰隴西王世子

朝請

越駙馬都尉楊邈並可奉朝請

付與太子

春日朝秋曰請

實太后除嬰門籍不得入

遊處也

朝請

漢律諸侯春朝天子

曰朝秋

增削景隆官絕朝請

王世貞史料明李文忠

曰請

世家云刑部都察院大

理寺論勅曹國公景隆詔盡削景隆勲階官號絕朝請勒歸私第

解王驥任奉朝請

又明王驥傳云景帝初召為總督南京機務南京素習

婦戎陣廢弛驥至一切以所御軍法教之為一新而于

大司馬謙勿重也因事解其任奉朝請上雖罷驥而內猶厭之

駙馬都尉一

原杜氏通典曰駙馬都尉漢武帝元鼎二年初置秩比

二千石掌駙馬

駙馬非正駕車皆為副馬

晉以駙馬都尉奉朝請諸

尚公主者若劉惔桓溫等皆為之宋武帝永初以來以

朝請選雜其尚公主唯拜駙馬都尉梁駙馬皆武冠絳

朝服銀章青綬梁陳駙馬皆尚公主者為之

陳武帝長女永世公

主先通陳留太守錢藏生子昱主及昱並卒武帝受禪

唯公主追封將葬尚書主客牒詳議欲加歲駙馬都尉

并贈昱官袁樞議曰昔王姬下降必適諸侯同姓為主  
聞於公羊之說車服不繫著於詩人之篇漢氏之初列  
侯尚主自斯以後降嬪素族駙馬都尉置由漢武或以  
假諸功臣或以加於戚屬是以魏表駙馬為一號魏晉

以來因為常準蓋明王姬之重庶姓之輕若不加其等級莫可合卷而酌所以假駙馬之位乃崇於皇女今公主早薨伉儷已絕既無禮數致疑何須駙馬之授案當陽侯杜元凱尚晉宣帝第二女高陸宣公主晉武踐祚而主已亡太始中追贈公主杜君無復駙馬之號梁元帝女新安穆公主早薨天監初王氏無追拜之事逮近二例足以據明公主所生既未及成人之禮後魏駙馬無勞此授今宜追贈亭侯時以樞議為衷

都尉亦為尚公主官雖位高卿尹而此職不去北齊與後魏同隋廢唐駙馬都尉從五品皆尚主者為之開元

三年八月敕駙馬都尉從五品階宜依令式仍借金紫

魚袋

天寶以前悉儀容美麗者充選

初學記曰漢制天子以列侯尚

公主諸侯以國人承翁主

崔浩義云尚承翁主下之名也公主別立第舍天子之女

則令列侯就第奉事之故尚公主諸王女則當國人承事之皆不得謁見舅姑通問而已天子尊令諸公代主婚故曰公主諸王卑則自主之故曰翁主後漢皇女為縣公主諸王女為鄉亭公主晉已後王女為縣主

魏晉之後尚公主皆拜駙馬都尉初駙馬都尉漢武置

也掌御馬

說文云駙馬字從馬付聲一曰駙近也疾也應劭曰自上安下曰尉都謂總領

歷兩

漢多宗室及外戚與諸公子孫任之至魏何晏大將軍何進孫以主壻拜駙馬都尉其後杜預尚晉宣帝女高陸公主拜駙馬都尉王濟尚晉文帝女常山公主拜駙

馬都尉後代因魏晉以為恒每尚公主則拜駙馬都尉

出漢書及齊職儀又晉書傳宣尚晉武帝女弘農公主桓溫尚元帝女南康公主劉惔尚晉明帝女廬陵公主

皆拜駙馬都尉

增唐官品志曰駙馬奉車騎三都尉並無員

駙馬以加尚公主者無班秩續文獻通考曰遼北面

有駙馬都尉府掌公主宅帳之事官曰駙馬都尉金駙

馬都尉正四品元尚公主者皆稱駙馬都尉封王爵明

駙馬都尉位次於侯凡尚公主長公主大長公主並稱

駙馬都尉尚郡主縣主郡君縣君鄉君並稱儀賓食祿

有差皆不得預政事國初駙馬或典兵鎮守李堅副總兵封樂城侯自後多署宗人府事

### 駙馬都尉二

增漢書曰金日磾為侍中駙馬都尉既親近未嘗有過失上甚信愛之賞賜累千金日磾兩子賞建俱侍中與昭帝略同年共臥起賞為奉車建駙馬 晉書曰武帝為晉陵公主求壻謂王珣曰主壻但如劉真長王子敬便足珣曰謝混雖不及真長不減子敬帝曰如此便足

魏書曰萬安國父振尚高陽公主拜駙馬都尉安國少明敏有姿貌以國甥復尚河南公主拜駙馬都尉顯祖特親寵之與同臥起唐書曰文宗儉素駙馬都尉常處仁入見帶夾羅巾以進上謂曰本慕卿門戶清素故俯從選尚如此巾服從諸他戚為之卿不須為也

宋史曰陳國大長公主嫁魏仁溥子咸信太祖居潛昭憲太后常至仁溥第咸信方幼侍母側儼如成人大奇愛之欲結姻好開寶中因成太后之意選授右衛將軍

駙馬都尉 又曰張敦禮尚韓國大長公主授駙馬都

尉遷密州觀察使元祐初上言變法附會之害章惇以

為詆毀先烈譽司馬光勒止朝叅 又曰吳國長公主

出降潘正夫建炎初避地至婺州見高宗奏祖宗以來

駙馬皆除使相今正夫歷事四朝在汴京曾建議迎陞

下乞除開府不許 續文獻通考曰明嘉靖初崔元以

迎駕封京山侯二年憲宗妹永福長公主歸蔡震禮部

上儀狀謂駙馬當四拜公主坐受其二科臣安磐言孝



惠太后几筵未徹不宜行婚禮駙馬雖賤而公主坐受  
乖夫婦之禮不聽

駙馬都尉三

原名才

貴族

曰配爾名才華宗貴族曹植平原公主諱

優涯天姻國婚上見後五江數表荀氏家傳曰荀

連姻帝室乃遠避長沙監司同輿連日魏收後魏

字子正與高祖同歲幼侍書學特蒙親待尚高祖妹樂

安公主拜駙馬都尉高祖寵誕同輿而載同素而食同  
席而坐卧謝萬駙馬都尉劉真長諱曰降鶴賜  
弱冠振纓結婚帝室綢繆姻姬連光雲日

駿劉向列仙傳曰蕭史善吹簫能招白鶴教弄玉鳳鳴  
居數十年吹簫作鳳凰聲鳳凰來止其屋為作鳳臺

夫婦止其上一日皆隨鳳飛去按弄玉秦穆公女也  
後魏書曰宿石文成帝時拜中壘將軍常從獵帝親欲

射虎石叩馬諫引帝至高原上後虎騰躍殺人詔石為  
忠臣切諫免虎之害賜馬一疋尚上谷公主拜駙馬都

尉 傅粉 吹簫 魚 魏略曰何晏字平叔美姿儀面  
絕白魏帝疑其傅粉後至夏月喚來

而與熱湯餅大汗出遂以朱衣自拭色  
轉皎然帝始信之下詳上降鶴註 二主同家

三尚異穴 後漢書曰竇融長子穆尚內黃公主弟子固  
尚湟陽公主竇氏一公兩侯二公主 後魏

書曰劉昶尚武邑公主主薨更尚建興公主又薨  
更尚平陽長公主及昶終與三公主同塋異穴 增

爵為諸侯 選預副車 後漢書天子姊壻爵為諸侯言  
實固也 翰苑新書宋人行駙

馬李璋制曰

選預副車

聰慧可愛 風流不墜

蜀志曰諸葛瞻建興十二年亮

出武功與兄瑾書曰瞻已今年八歲聰慧可愛嫌其早

成恐不為重器耳十七尚公主拜駙馬都尉宋書曰

江數尚孝武女臨海公主拜駙馬都尉為丹陽丞時袁

粲為尹見數嘆曰風流不墜正在江郎數與宴賞連日

夜

銀榜金章

香風紫鞵

續通典貞元三年駙馬都尉郭曖詔曰儼崇銀榜攄

美金章

李白集贈獨孤駙馬詩曰都尉朝天躍馬歸香風吹入花亂飛銀鞍紫鞵照雲日左顧右盼生光輝

才子賦詩

考官倡第

翰苑新書曰唐李端大歷中與錢起盧綸等倡和號大歷中

十才子時郭曖尚代宗女昇平公主賢明善詩文端等十人俱在門下宋史曰宋理宗一女周漢國公主開

慶初主年及笄詔議選尚丁大全欲用新進士為駙馬因命考官寅周震炎第一倡為太平狀元之說以媚帝

震炎年幾三十恭謝日公  
主於內窺之不悅事遂寢

善射曉音

能詩善畫

又

王承衍字希甫尚太祖女魏國大長公主端謹善騎射  
曉音律頗涉藝學署父牙職補內殿都知授右衛將軍

駙馬都尉

又曰王詵字晉卿尚魏國大  
長公主能詩善畫授左衛將軍駙馬都尉

督工塞河

率衆赴敵

又曰吳元辰尚太宗女徐國大長公主授  
駙馬都尉領鄆州觀察使秋霖河湓城壘

將壞元辰躬涉泥滓督工補塞以舟楫濟民所部獲安  
明獻徵錄曰石璟尚順德長公主正統十四年督官

軍隨駕北征天順五年曹欽謀逆璟  
率衆赴敵擒賊脫脫上特加獎勞

柳潭死鬪

李

讓居守

唐書曰柳潭尚和政公主從元宗至蜀遷駙馬  
都尉郭千仞反元宗御元英樓諭降之不聽潭

率折衝張義童等殊死鬪手斬賊五十級平之明獻  
徵錄曰李讓燕邸儀賓靖難兵起率府兵執謝貴等取

大寧戰白溝河有功掌北平布政司  
事永樂元年進駙馬都尉封富陽侯

### 駙馬都尉四

增世家子

唐職林曰文宗開成初欲以真源臨真二公  
主降士族謂宰相曰民間婚姻不計官品而

上閱閱我家天子顧不及崔盧  
邪詔宗正卿取世家子以聞

大臣子

翰苑新書曰  
岐陽公主唐

憲宗愛女舊制多選戚里將  
家帝始詔李吉甫擇大臣子

原楊喬開口

謝承後漢  
書曰楊喬

為尚書容儀偉麗數上書言政事桓帝愛其才貌  
詔妻以公主喬固讓不聽遂閉口不食七日而死

宋

弘不諾

宋弘事  
詳公主

增一門三主

古今姓氏錄曰後魏盧  
道裕弟處堂弟元聿並

尚魏室公主一門  
三主士族榮之

一門四主

翰苑新書曰唐薛瓘瓘  
子昭瓘堂姪倣倣子繡

並尚主一

### 四世尚主

又曰穆觀觀子真壽真子泰壽  
子平國泰子伯智平國子伏干

四世尚主一門  
凡十二人尚主

### 風神警拔

齊書曰王暕年數歲風神  
警拔有成人之度時祖儉

作宰相賓客盈門見暕曰公才公望復  
在此矣選尚淮南長公主拜駙馬都尉

### 風望端雅

後魏

書曰陸昕之風望端雅尚獻  
文女常山公主拜駙馬都尉

### 歷事六朝

明獻徵錄曰  
駙馬都尉趙

輝以蔭授府軍前衛千戶直皇城內門太宗偶見  
之奇其貌選尚寶慶長公主歷事六朝眷遇隆厚

八

### 覲兩宮

又曰林岳選尚憲廟德清大長公主授駙馬都  
尉賜誥命及玉帶蟒衣蓋自始被選廷謁八覲

兩宮賜  
賚優厚

### 勅免常朝

又曰李貞尚皇妹長公主洪武元  
年封為恩親侯三年上欲朝夕見

貞賜第內城西偏加駙馬都尉右  
柱國曹國公勅免常朝贊拜不名

### 嘗受密命

又曰梅  
殷洪武

十一年尚寧國公主為駙馬都尉恭謹有謀高皇最愛嘗受密命輔建文君靖難兵起殷鎮守淮安悉心防禦

**賜玉帶金鞍**

宋史曰石保吉尚魯國大長公主開寶四年召見賜襲衣玉帶金鞍勒馬拜左

衛將軍駙馬都尉

**賜玉帶繡衣**

明獻徵錄曰郭鎮以勲戚子弟資貌潔脩朝謁之際上屬

目心喜焉洪武二十二年選尚永嘉公主賜金玉帶鞍馬金繡衣九襲拜駙馬都尉

**周景美姿**

貌又曰駙馬都尉周景美姿貌天順時選尚重慶公主重慶主憲皇同母女兄寵愛亡與比賜金珠玉帛山

積而景持儒行篤好文史日從翰林名公請業受益

**樊凱美鬚髯**

又曰駙馬都尉樊凱少給

從至縣令見其狀貌驚令學凱長身玉立美鬚髯成化初選尚廣德公主命統禁兵侍衛正德初劉瑾用事公

卿莫不折節而凱獨不屈

駙馬都尉五

增詩唐王維和楊駙馬六郎秋夜即事詩曰高樓月似  
霜秋夜鬱金堂對坐彈盧女同看舞鳳凰少兒多送酒  
小玉更焚香結束平陽騎明朝入建章 錢起過楊駙

馬亭子詩曰衣冠在漢庭臺榭接天成彩鳳翻簫曲祥  
鱸入館名歌鐘芳月曙林嶂碧雲生亂水歸潭淨高花  
映竹明退朝追宴樂開閣醉簪纓長袖留嘉客栖鳥下  
禁城 韓翃宴楊駙馬山池詩曰垂楊拂岸草茸茸繡



戶簾前花影重  
繪下玉盤銀縷細  
酒開金甕綠醅濃  
中

朝駙馬何平叔  
南國詞人陸士龍  
落日泛舟同醉處  
回

潭百丈映千峰  
王建贈崔禮駙馬詩曰  
鳳凰樓閣連

宮樹  
天子崔郎自愛貧  
金埒減添栽藥地  
玉鞭平與賣

書人家中絃管聽  
常少分外詩篇看  
即新一月一迴陪

內宴馬蹄猶厭踏  
香塵 劉禹錫劉駙馬水亭避暑詩

曰千竿竹翠數蓮紅  
水閣虛涼玉簟空  
琥珀琰紅疑瀉

酒水晶簾密更通風  
賜冰滿盃沈朱實  
法饌盈盤覆碧

籠盡日逍遙避煩暑再三珍重主人翁 楊巨源酬于

駙馬詩曰綺陌塵香曙色分碧山如畫又逢君蛟藏秋  
月一片水驥鑣晴空千尺雲戚里舊知何駙馬詩家今  
得鮑參軍陽和本是烟霄曲願向花間次第聞 張璠

宴駙馬宅詩曰牙香禁樂鎮相携日日君恩降紫泥紅  
藥院深人半醉綠楊門掩馬頻嘶座中古物多仙意壁  
上新詩有御題別向庭蕪真吟石不教宮妓踏成蹊

李端贈郭駙馬詩曰青春都尉最風流二十功成便拜

侯金距關雞趨上苑玉鞭騎馬出長秋焚香荀令偏憐  
少傅粉何郎不解愁日暮吹簫楊柳陌路人遙指鳳凰  
樓

原制唐中宗賜駙馬封制曰門下特進行右散騎常侍  
駙馬都尉觀國公楊慎分榮戚里藉寵公門恭肅著於  
立身恪勤効於從政鳳凰臺上宛符琴瑟之歡烏鵲橋  
前載叶松蘿之契宜覃茅土式廣山河 增白居易授  
駙馬鄭何右衛將軍制曰周設七萃漢列八屯皆以拱

衛王宮肅嚴傲道統茲騎吏其屬親賢具官鄭何擢秀  
士林挺質公器以貞和陶其性以禮樂文其身善積德  
門慶連戚里況久踐名職累著聲猷念舊獎能宜加榮  
寵環列之尹不易其人俾宣力於爪牙不失親於肺腑  
增誥明洪武四年駙馬都尉黃琛誥曰鎮國上將軍駙  
馬都尉兼淮安衛指揮使黃琛征伐戍守勤勞有年今  
天下已定宜共享承平命爾仍居前職尚益加慎恭勉  
其心力明紀律而嚴訓練撫軍士而安庶民永保祿位

延及後人

原表宋虞通之為江數讓尚公主表曰伏承詔旨當以  
臨海公主降嬪榮出望表恩加典外顧審輜蔽伏用憂  
惶臣寒門悴族人凡質陋閭閻有對本隔天姻如臣素  
流家貧業寡年近將冠皆已有室荆釵布裙足得成禮  
自晉氏以來配尚王姬者雖屢經華胄亟有名才至如  
王敦懾氣桓溫歛威真長佯愚以固辭子敬炙足以求  
免王偃無仲都之質而裸露於北階何瑀闕龍工之姿

而見投於深井謝莊迫自同於朦朧殷仲幾不免於強  
鉏制勒甚於僕隸防閑過於婢妾往來出入人理之常  
留待賓客朋從之義而今掃轍息駕無窺門之期廢筵  
抽席絕接對之禮非惟交友離異仍乃兄弟踈濶姆孀  
爭媚相勸以嚴婢媼競前相諂以急其間又有應答問  
訊卜筮師母乃至殘餘飲食詰辨與誰衣被故敝必責  
頭領或進不護前或入不聽出不入則嫌於欲踈求出  
則疑有別意召必以三晡為期遣必以日出為限夕不

見晚魄朝不識曙星至於夜步月而弄琴晝拱袂而披  
卷一生之內與此長垂又聲影才聞則少婢奔迸裙袂  
向席則醜老叢來左右整刷以疑寵見嫌賓客未冠以  
少容致斥如臣門分代荷殊榮足定家聲便預提拂青  
宮美官或由才升一叨婚戚咸成恩假是以仰冒非宜  
披露丹質非惟上陳一已規全身願寔乃廣申諸門受  
患之切伏願大慈照察特賜蠲停若恩制頓降被請不  
申便當刊膚剪髮投山竄海云云

奉車都尉騎都尉附

原杜氏通典曰奉車駙馬騎三都尉並漢武帝元鼎二

年初置皆秩比二千石

李陵為騎都尉至更始時官亂謠曰爛羊胃騎都尉

舊無

員或以官常侍或卿尹校尉左遷為之奉車掌御乘輿

車

漢官曰三人

騎都尉本監羽林騎

漢官十人漢書百官表騎都尉掌羽林從騎

後漢並屬光祿勳晉武帝亦以皇室外戚為都尉而奉

朝請焉元帝為晉王以參軍為奉車都尉掾屬為駙馬

都尉行參軍舍人為騎都尉皆奉朝請後罷奉車騎二



都尉梁三都尉並無員秩皆武冠絳朝服銀章青綬奉  
車二十人騎都尉六十人煬帝時奉車駙馬並廢唐奉  
車都尉五員掌馭副車不常置若大備陳設則以餘官  
攝行屬左右衛也 增宋遼金元明並無

諸都尉一

原御法駕

侍幃幄

漢舊儀曰漢乘輿法駕奉車都尉御侍郎參乘也 周熙新論曰武

衛都尉孫奇年十七以秀才入侍幃幄余作詩篇諷云  
恂恂公子美色無比誕姿既豐世胄有紀平南之孫奮

威之

掌池苑

主舟船

漢書百官公卿表曰水衡都尉武帝元鼎二年初置掌上

林苑應劭注曰古山林之官曰衡掌諸池苑故稱水衡  
張晏曰主都水及上林苑故曰水衡主諸官故曰都有  
卒徒武事政曰尉掌上林苑諸離宮別觀游宴之處  
魏畧曰水衡都尉舊主上苑以主天下水軍舟船器械

汲黯無為

楊僕嚴酷

史記曰汲黯為東海太守歲  
餘大治上聞召為主爵都尉

治務在無為而已弘大體不拘文法又曰楊僕者宜  
陽人也以千夫為更河南守案舉以為能薦為御史使  
督盜賊關東治放尹齊以為敢摯行稍遷至主爵都尉  
列九卿天子以為能南粵反拜為樓船將軍有功封將  
梁張緝籌略  
譙周好古  
魏略曰張緝字敬仲工便  
侯  
略遂拜騎都尉也晉武帝詔曰騎都尉譙周篤志好  
古服膺儒義擢授近侍命位未加不幸殞喪朕甚悼之  
賜朝服一具衣一襲錢十五萬喪  
葬所給比從散騎常侍之制也  
增韓信治粟周

邵領兵

漢書曰韓信亡楚歸漢未得知名為連敖坐法當斬信乃仰視滕公曰上不欲就天下乎而斬

壯士

滕公奇壯之與語入言於漢王以為治粟都尉

冊府

元龜曰周邵者秦之子也以騎都尉領兵討曹仁

出濡

須戰有功又從

降更始將

破樊城圍

又曰臧

破曹

休進位裨將軍

中騎

都尉又封成安侯將突騎與蔡遵擊更始將左防

韋顏

於沮陽悉降之又曰朱異為騎都尉隨朱然攻

魏樊

城建計破其

服其恩信

問以策謀

又曰竇固

外圍

還拜偏將軍

初為

奉車都尉屯涼州在邊數年羌人服其恩信愛之

如父

母又曰弓里戍光武時為騎都尉將兵平定北

州到

太原歷訪英俊大人問以策謀時溫序

聞鼓而

仕州

從事戍見奇之上疏薦焉徵為侍御史

縱

應弦而

倒

又曰李陵為騎都尉至浚稽山單于圍陵軍軍居兩山間以大車為營陵引士

出營外為陳前行持戰盾後行弓弩令曰聞鼓聲而縱  
聞金聲而止又曰李陵為騎都尉將步卒五千至浚  
稽山與單于相直騎可三萬圍陵軍敵見漢軍少直前  
就營陵搏戰攻之千弩俱發應弦而倒敵還走上山漢  
軍追擊殺  
數千人

### 趙咨使魏

李豐在鄴

吳志曰孫權遣騎  
都尉趙咨使魏魏

帝問曰吳王何等主也咨對曰聰明仁智雄畧之主也  
帝問其狀咨曰納魯肅於凡器是其聰也拔呂蒙於行  
陣是其明也獲于禁而不害是其仁也取荊州兵不血  
刃是其智也據三州而虎視天下是其雄也屈身於陞  
下是其略也魏志曰李豐字安國年十七在鄴下名  
為清白識別人物明帝時得吳降人間江東聞中國名  
士為誰降人云間有李安國者是時豐為黃  
門郎上曰豐名乃播於吳越耶拜騎都尉

畢軌文

學

駱統惠理

太平御覽曰畢軌明帝在東宮時軌在  
文學中及即位入為黃門郎拜騎都尉

又曰駱統字公緒孫權以將軍領會稽太守統年二十試為烏程相民戶過萬咸歎其惠理權嘉之召為功

曹行騎

顧承令問元遜知名

又曰顧承字子直嘉

都尉

禮徵權賜丞相雍書曰貴孫子直令聞休休至與相見過於所聞為君嘉之拜騎都尉又曰諸葛恪字元遜

瑾長子也少知名

遣還印綬

仍配甲仗

冊曰實融初

弱冠拜騎都尉

為更始屬國都尉光武征隗融率五郡太守步騎數萬會高平第一帝引見融侍以殊禮隴蜀平詔融奏事

京師融詣雒陽城門上涼州牧張掖屬國都尉安豐侯印綬遣使者還侯印綬引見就諸侯位賞賜恩寵傾動

京師又曰華皎為文帝都尉及帝平杜龕仍配以人馬甲仗猶為都護御下分明善於撫養

李陵

深入

凌統先搏

又曰李陵廣之孫武帝以為陵有廣之風使將八百騎深入匈奴二千餘

里過居延視地形不見敵還拜為騎都尉又曰凌統  
行破賊都尉從大帝征江夏統為前鋒行入右江斬黃  
祖將張碩盡獲船人還以白大帝引軍兼道水陸並集  
時呂蒙敗其水軍而統先搏其城於是大獲復以統為  
承烈都尉皆壯其言為設虛座又曰吳董襲為揚武都

太妃憂之引見張昭及襲等問江東可保安不襲曰江  
東有山川之固討逆恩德在民討國承基大小用命張  
昭秉衆事襲等為爪牙萬無所憂衆皆壯其言又曰  
虞翻為騎都尉大帝與魏和先是魏將于禁降吳欲遣  
禁還歸北翻諫曰禁身為降國不能死不如斬之以令  
三軍大帝不聽羣臣送禁翻謂禁曰卿勿謂吳無人吾  
謀適不用耳禁雖為翻所怒然猶  
盛歎翻魏文帝常為翻設虛座

### 原陳平使驂乘

典韋常繞帳漢書曰陳平降漢王與語而悅之問曰子  
居楚何官平曰為都尉是日乃拜平為都

尉使為驂乘典護諸將盡譴曰大王一日得楚之亡卒  
未知高下而即與共載反使監護長者漢王聞之愈益  
幸平魏志曰典韋拜都尉引置左右將親兵數百人  
常繞大帳性忠至謹重常晝立侍終日夜宿帳左右希  
歸私

增霍光問充國

曹洪委曹休

冊府元龜曰趙充國為護軍都

尉漢得匈奴降者言烏桓嘗發先單于冢匈奴惡之發  
二萬騎擊烏桓大將軍霍光欲邀擊之以問充國充國  
謂烏桓數犯塞今匈奴擊之於漢使蠻夷自相攻擊而  
發兵邀之招寇生事非計也又曰曹休領虎豹騎宿  
衛劉備遣將吳蘭屯下辨太祖遣曹洪征之以休為騎  
都尉參洪軍事太祖謂休曰汝雖參軍其實帥也洪聞  
此令乃委  
事於休  
孫桓能論議  
皇甫收圖籍  
吳志曰孫桓  
字叔武儀容  
端正博學強記能論議應對權常稱為宗室顏淵  
武衛都尉  
冊府元龜曰前燕皇甫貞為奉車都尉後

入為典書令從慕容評攻拔鄴都珍  
貨充溢貞一無所取唯收圖籍而已

原延年善變新

聲韓暨器用充實

漢書曰李延年善歌為變新聲是  
時上方興天地諸祠令司馬相如

等作詩頌延年輒承意弦歌所造詩謂之新聲曲拜為  
協律都尉佩二千石印綬而與上臥起  
為監冶謁者在職七年器用充實制  
書褒歎就加司金都尉班亞九卿

## 諸都尉二

增呂布膂力

冊府元龜曰呂布初為騎都尉  
便弓馬膂力過人號為飛將

朱績膽

力又曰朱績為建忠都尉隨太常潘  
濬討五溪以膽力稱遠偏將軍

欲捶黃門

又曰魏楊

沛初仕漢為護羌都尉馬超反大軍西討沛隨軍都督  
孟津渡時太祖已南過中黃門前渡忘持行軒私北還



取之從吏求小船欲獨先渡吏呵不肯黃門與吏爭言  
沛問黃門有疏耶黃門云無疏沛怒曰何知汝不欲逃

耶遂使人捫其頭欲捶之得逸去衣幘皆裂訴  
於太祖太祖曰汝不死為幸矣繇是聲名益振 欲鞭

于禁

又曰吳虞翻為騎都尉時魏將于禁為關羽所獲  
繫在城中大帝至釋之他日帝乘馬引出引禁併行

翻呵禁曰爾降虜何敢與吾君齊  
馬首乎欲抗鞭擊禁帝呵止之

所向輒破

又曰董

武都尉時鄆陽賊岑龍等眾數萬襲與凌統等  
各別分討襲所向輒破龍等望見旌旗便散走

所征

輒克

又曰呂虔討東萊群賊李條等有功太祖今日御  
在郡以來擒姦討暴百姓獲安躬蹈矢石所征輒

克昔寇恂立名於汝穎取奔建  
策於青兗古今一也加騎都尉

馬武為先鋒

又曰馬

威將軍從光武擊群賊常為先鋒破  
賊及帝即位以武為侍中騎都尉

朱伺為左甄

又

朱伺為綏彝都尉時陶侃鎮江夏以伺為左甄推破陳敏於武昌以功封亭侯

實固好覽書

傳

又曰實固好覽書傳喜兵法累遷奉車都尉出玉門擊西域

陸凱手不釋書

又

陸凱為建武都尉領兵雖統軍衆手不釋書好太元論演其意以筮輒驗

增詩唐高適別耿都尉詩曰四十能學劍時人無此心

如何耿夫子感激投知音翩翩白馬來二月青草深別

易小千里興酣輕百金岑參送張都尉東歸詩曰白

羽綠弓弦年年只在邊還家劒鋒盡出塞馬蹄穿逐鹵

西踰海平湖北到天封侯應不遠燕領宣徒然

都護一

原杜氏通典曰漢宣帝地節二年初置西域都護為加

官也或以騎都尉諫議大夫使護西域三十六國有副

校尉始以鄭吉為之後廢至後漢永平十七年復置

班超

為西域都護大破焉耆尉犁斬其王自是西域降服納質者五十餘國晉宋以後有都護

之官亦其任也齊書曰廣州西南有二江川源深遠別置都護專征討之陳伯超為江西都護

沈顗為南唐永徽中始於邊方置安東安西安南安北

粵都護

四大都護府後又加單于北庭都護府

麟德元年改雲中都護為單于

都府置都護一人

掌所統諸蕃慰撫征討斥候安輯蕃人及諸賞罰叙錄勲功總判府事

副都護二人

掌貳都護事其安北單于則置一人

長史司馬各一人

錄事功曹

倉曹戶曹兵曹法曹參軍各一人參軍事三人其安北單于惟有司馬倉曹兵曹各一人餘並不置

增

續文獻通考曰遼金皆不設

元世祖至元十七年置

鎮北庭都護府于輝和境大都護四員同知副都護各

二員至元十一年初置輝和爾斷事官十七年改領北

庭都護府秩二品置官十二員二十二年復為大都護

品秩如舊

明不設惟世宗幸承天以郭勲為都護大

將軍

都護二

原立莫府

典重職

漢書曰鄭吉以侍郎發諸國兵攻破車師匈奴乖亂日逐王願降漢

吉發兵迎之詣京師遂并護車師以西北道於是中西域而立莫府治烏壘城鎮撫諸彝又曰段會宗遷都

護為人好大節矜功名與谷永相友善谷永憫其老復遠出予書戒曰足下以柔遠之令德復興都護之重職

甚休甚休願吾子因循舊貫毋求奇功也

斬郅支

政康居

又曰甘延壽為西域都護

騎都尉與副校尉陳湯共誅斬郅支單于又曰陳湯遷西域副校尉建昭三年與都護甘延壽出西域郅支

單于困辱漢使湯與延壽謀政康居城陷斬單于首得漢節封延壽義成侯賜湯爵關內侯各食三百戶功大

封少為石顯  
宦衡所抑也

始自鄭吉

請還班超

又曰神爵中匈奴日逐王降鄭

吉將諸京師都護之置自吉始焉漢之號令班西域始  
自張騫成於鄭吉也後漢書班超傳曰班超妹同郡

曹壽妻昭上書請超曰妾同產兄西域都護定遠侯超  
以一身轉側絕域曉譬諸國因其兵衆每有攻戰輒為

先登身被矢石不避死七賴蒙陛下神靈且得延命沙  
漠至今積三十年今且七十衰老被病如有卒暴超之

氣力不能從心便為上損國家累世之功下棄  
忠臣竭力之用誠可痛也帝感其言乃徵超還增假

作答書

圖上形勢

冊府元龜曰陸遜為上大將軍右  
都護鎮荊州時魏江夏太守逮式

頗作邊害而與北舊將文聘子休不協遜假作答式書  
云得報知與休久結嫌隙勢不兩存欲來歸附宜潛速

嚴更示定期以書置界上式兵得書以見式式惶懼遂  
自送妻子還雖由是吏士不復親附遂以免罷又曰

李元喜為安南都護上言請移城於江北岸圖其形勢上之制可之

西域慕義 高麗

慕化 又曰

裴行儉為安西大都護西域諸國多慕義歸又曰薛仁貴為安東都護總兵鎮高麗仁貴

恤孤老躬儉約盜賊有幹者隨才任使高麗人眾莫不欣然慕化

救援于闐 請擊

焉耆

又曰高賢為安西都護行軍總管高宗龍朔中率兵救援于闐又曰郭孝恪為安西都護會焉耆

王與西突厥通親進貢希至孝恪請擊之太宗以孝恪為西州道行軍總管據其王齒龍突騎支而還太宗嘉其遠立殊功遣使優勞加勲十一轉

都護三

增所向皆靡

冊府元龜曰賈復為都護將軍從光武擊青犢於射犬大戰至日中賊陳堅不卻光

武傳召復曰吏士皆飢可且朝飯復曰先破賊然後食爾於是被羽先登所向皆靡賊乃敗走諸將咸服其勇

一無所犯

又曰元英為安南將軍領護西戎校尉孝文南伐為梁漢別道都將圍南鄭禁止三

軍一無所犯遠近皆供租運

築城江州

又曰李嚴為都護建興四年春自永安還駐江州築

大城築城碎葉

又曰唐王方翼為安西都護裴行儉討遮旬詔以方翼為副行儉軍還方翼始

築碎葉鎮城立四面十二門皆屈曲作隱伏出沒之狀西域人競來觀因獻方物

高駢復交


州又曰高駢為安南都護收復交州盡平蠻賊積歲所侵故地

韓約收峯州

又曰韓約

為安南都護文宗時峯州刺史王升朝背叛約發兵二千人討逐收峯州





御定淵鑑類函卷一百六

# 欽定四庫全書

子部

御定淵鑑類函卷一百七

詳校官內閣學士<sub>臣</sub>尹壯圖

主事<sub>臣</sub>祁韻士覆勘

總校官檢討<sub>臣</sub>何思鈞

校對官中書<sub>臣</sub>胡紹基

謄錄監生<sub>臣</sub>劉文耀

欽定四庫全書

御定淵鑑類函卷一百七

設官部四十七

監軍

都督

折衝府

司隸校尉

都統

總兵

元帥

監軍一

軍師祭酒

理曹

掾屬附

原杜氏通典曰周代齊景公使穰苴將兵捍燕晉之師

穰苴願得君之寵臣以監軍公使莊賈往賈不時至苴

斬之是其始也漢武帝置監軍使者光武以來歟監諸

將後漢末劉焉以監軍使者領益州牧

劉璋亦為監軍使者

魏晉

皆有之

魏時司馬文王征壽春石苞為監軍 晉鍾會伐蜀衛瓘為監軍 又孟康持節監石苞諸軍

事初隗鄠軍中嘗置軍師

隗鄠聘平陵人方望以為軍師 又袁紹請盧損為軍師

至魏武帝又置師官四人

魏荀攸為東軍師梁義為左軍師 吳朱然為右軍師蜀

以諸葛亮為軍師將軍

晉避景帝諱改為軍司凡諸軍使置之以

為常員所以節量諸宜亦監軍之職也而太尉軍司尤

重故山公啓事曰太尉軍司缺當選上宰監宜得宿有

資重者也宋齊以來此官頗廢至梁大通四年元法僧

北討復以羊侃為大軍司後代多不置至隋末或以御

史監軍事唐亦然時有其職非常官也開元二十年後

並以中官為之謂之監軍使 軍師祭酒

後漢建安三年曹公還許

初置此官

理曹掾屬

後漢建安十九年魏武令曰軍中典獄者或非其人而任以三軍死生吾

甚懼之遂置此選明達法理者為之

增續文獻通考曰遼樞密院都統

下有監軍行軍時又有監戰又有行軍都監其北面分

制諸路者諸部署司諸指揮使司諸統軍司皆有都監

南面指揮使亦有都監西北路招討司亦有監軍一員

聖宗統和十二年復置南京統軍都監十四年東邊諸

軍各置都監興宗重熙十二年置回跋部詳穩都監十  
九年置倒塌嶺都監蓋皆古監軍職也 金天會三年

以伐宋更都督府為元帥府自元帥副元帥而下置左  
右監左右都監天德二年九月置統軍司於山西河南  
陝西三路以元帥府都監監軍為使 元無考 明無  
定員惟用兵則設或以御史或以按察司官領勅行事

## 監軍二

增銳卒遊軍

褰帳撫帝

事文類聚曰司馬文王征壽春使監軍石苞簡銳卒為遊

軍 又曰後唐張承業為太原監軍常從征討王師既  
退汴營大將周德威慮其奔衝堅請退舍帝怒垂帳正  
寢諸將咸詣監軍請承業遽至牙門褰帳而入撫帝曰  
此非安寢時周德威老將洞識兵勢姑務萬全不可忽  
帝蹶然而興曰予方  
思之其夕遂收軍

### 止可委官事

不得干軍要

曰又

蕭復為相常言艱難以來始用宦者監軍權望太重是  
曹止可委官掖事兵要政機難使參領帝不聽 又曰  
李德裕為相先是韓全義敗於蔡杜叔良敗於深皆宦  
人監軍制其權將不得專進退詔書一日三四下宰相  
不與又諸道銳兵驍士皆監軍取以自隨每督戰乘高  
建旂自表小不勝輒卷旗去大兵隨以北由是王師所  
向多敗至討回鶻澤潞德裕奏請詔書付宰相司乃  
下監軍不得干軍要自是號令分明將乃有功

## 監軍三

增不與積錢

五代史曰後唐莊宗時或有中傷監軍張承業於莊宗者言專弄威柄廣納賂遺莊

宗歲時還晉陽宮省太后常置酒命繼岌為承業起舞罷承業出寶帶幣馬奉之莊宗指錢積謂承業曰和

哥無錢使七哥與此一積寶馬非殊惠也承業謝曰郎君歌舞承業自出已俸錢此錢是大王庫物不敢以公

物為私

不敢踰法

又曰張承業為太原監軍武皇屬禮也以後事曰吾兒孤弱羣庶縱橫後

事公善籌之承業奉遺詔策畧居多莊宗以兄事之時諸王之貴介弟在晉陽宮或不以其道承業悉不聽踰

法禁者必懲由是貴戚皆斂手

原公達軍國皆掌

荀氏家傳曰荀攸字公達魏太祖以

攸為軍師凡軍國選舉及刑獄法制皆攸掌焉

彥先朝野皆服

晉中興書吳郡顧錄云榮

字彥先拜為軍師於是朝野皆服中興基焉時南土士多未盡才用榮又上書言陸士光季甘思等凡此諸人



皆南金也書  
奏皆納之

莊賈留飲不至

史記曰齊景公使莊賈往監穰苴兵穰苴先馳

賈素驕貴親戚左右送之留飲日中而不至穰苴召軍正問曰軍法期而後者云何對曰當斬於是斬莊賈以

徇三軍三  
軍皆振慄

殷浩稱疾不起

晉中興書曰陳郡殷浩字深源弱冠與京兆杜乂並

有美譽善言元理除侍中安西軍司稱疾不起

綏納新舊包合同異

王隱晉書曰衛

瑾字伯玉行鎮西將軍監司鄧艾鍾會諸軍事綏納新舊包合同異華陽即叙

勒兵圍賊矯

詔降之

謝承後漢書曰宋均為監軍與馬援征武陵蠻臨沅水而兵士多病均懼衆軍多疫勒兵圍賊

矯詔降之遣還本郡軍未至先自劾矯詔之罪帝甚善之

輕衣出營偽作表章

晉書

衛瑾傳曰鄧艾鍾會之伐蜀也瑾以廷尉卿持節監艾軍事行征西將軍司給兵千人及蜀既平艾輒承制封

拜會陰懷異志因父專擅乃密與瓚俱奏其狀詔使檻車徵之會遣瓚先收父乃夜至成都徵父所通諸將稱詔收父其餘一無所問父父子俱被執諸將圖欲劫父整仗趨瓚營瓚輕衣出迎之偽作表章將申明父事諸將信之而止

折衝府一

果毅別將等附

原杜氏通典曰隋初左右衛左右武衛左右武侯各領軍鄉坊團以統戎卒開皇中置驃騎將軍府每府置驃騎車騎二將軍大業三年改驃騎府為鷹揚府改驃騎將軍為鷹揚郎將改車騎將軍為鷹揚副郎將五年又

以鷹揚副郎將為鷹擊郎將九年別置折衝果毅及武  
勇雄武等郎將官以統領驍果唐武德初猶有驃騎府  
及驃騎車騎將軍之制武德七年乃改驃騎為統軍車  
騎為別將貞觀十年復採隋折衝果毅郎將之名改統

軍為折衝都尉別將為果毅都尉

魏有折衝將軍後周有成議別將官其名

此因其府多因其地各自為名無鷹揚之號凡五百七十

四府分置於諸州而名隸諸衛及東宮率府各領兵滿

一千二百人為上府

兩京城內雖不滿此數亦同上府

千人為中府

兩

及岐同華懷陝等五州所管府雖不滿此數亦同中府

八百人為下府每府置折

衝都尉一人

掌領校尉以下宿衛及衛士以上總判府事

左右果毅都尉各

一人

掌通判春秋傳曰戎昭果毅又曰殺敵為果致果謂之毅煬帝始置後改將為之

別將一

人

不判府事若無兵曹以上即知府事初別將既改為果毅而府中有長史員聖歷三年廢長史置別將一

員後又兼置長史

長史一人

通判載初元年置

兵曹一人

判府事付事勾稽監印給

紙筆校尉六人

以下小吏各有差若校尉以下惟人數置之

凡府在赤縣為赤

府在畿縣為畿府衛士以三百人為團團有校尉五十

人為隊隊有正十人為火火有備六馭馬驢

初置八馭後改為六

米糧介冑戎器鍋幕貯之府庫以備武事每歲十一月

以衛士帳上於兵部以候徵發天下衛士向六十萬人

初置以成丁而八十出役其家不免徭役遂漸逃散年月漸久逃死者不補

天寶八年五月

停折衝府

以無兵可校停之

十一年八月改諸衛士為武士

增唐兵志曰自高祖初起開大將軍府發太原有兵三

萬人及諸起義以相屬與降羣盜得兵二十萬武德初

始置軍府

元年五月改隋鷹揚郎將為軍頭六月改軍頭為驃騎將軍副為車騎將軍九月始置軍

府以驃騎車騎兩將軍府領之析關中為十二道曰萬

年道長安道富平道醴泉道同州道華州道寧州道岐

州道幽州道西麟州道涇州道宜州道皆置府

分關內諸府統

之以車騎將軍府隸驃騎府

三年更以萬年道為參旂軍長安道為

鼓旗軍富平道為元戈軍醴泉道為井鉞軍同州道為

羽林軍華州道為騎官軍寧州道為折威軍岐州道為

平道軍邠州道為招搖軍西麟州道為苑游軍涇州道

為天紀軍宜州道為天節軍軍置將副各一人以督耕

戰以車騎府統之六年以天下既定廢十二軍改驃騎

曰統軍車騎曰別將

會要曰  
副軍

居歲餘十二軍復

以突厥  
為患八

年復

置軍置將軍一人軍有坊置主一人以檢察戶口勸

課農桑太宗貞觀十年更號統軍為折衝都尉別將為

果毅都尉諸府總曰折衝府凡天下十道置府六百三

十四皆有名號而關內二百六十有一皆以隸諸衛凡

府三等兵千二百人為上千人為中八百人為下府置

折衝都尉一人左右果毅都尉各一人長史兵曹別將

各一人校尉六人

永徽中廢長史置司馬一人總司兵  
司騎二局聖歷元年廢司馬置長史

曹兵 鄴侯家傳曰隋鷹揚府皇朝改為折衝府改郎將

為都尉又置果毅都尉二人為之副及別將一人全府  
召發則折衝都尉已下偕行不盡則果毅行少則別將  
行每發兵皆下符契於本州及府刺史與折衝勘契而  
發之而給其食券至幕所期處驗其藝非精士不教習  
則罪其折衝甚則加罪州牧有功而回入塞便道策勲  
加賞而罷之

折衝府二



增冊府元龜曰甘寧為西陵太守從大帝攻皖為升城

督寧為吏士先卒破獲朱光拜折衝將軍周浚為折

衝將軍揚州刺史封射陽侯隨王渾伐吳與渾共行吳

城壘綏撫新附以功進封成武侯馬文舉為果毅都

尉太宗征遼新城國內二城步騎四萬來援遼東江夏

王道宗率行軍總管張君仁騎四千逆擊之及與賊遇

衆寡勢懸士皆色動文舉自指其身言於道宗曰此壯

士也不逢勅寇安能識健兒哉道宗目而壯之文舉遂

策馬突進所當皆斃衆心始安 薛仁貴自太宗遼東之役以勇敢聞擢授遊擊將軍雲泉府果毅仍令北門長上并賜生口十人高宗顯慶二年詔仁貴副程名振於遼東經略破高麗以功封河東縣男 蘇定方貞觀初為匡道府折衝隨李靖襲突厥頡利於磧石為前鋒悉降之軍還授左武侯中郎將 伊慎為果毅代宗大歷八年江西節度使路嗣恭討嶺南哥舒晃之亂以慎為先鋒直逼賊壘疾戰破之斬晃於泔溪嗣恭表慎功

授連州長史知團練副使德宗時為蘄州刺史充節度  
都知兵馬使建中末車駕在梁州慎進兵迎擊李希烈  
之甥劉戒虛擒之拜安州刺史兼御史大夫 曲環自  
玄宗天寶中為果毅別將安祿山反守鄧州拒賊功居  
多超授左清道率

司隸校尉一

原杜氏通典曰司隸周官也掌五隸之法辨其物而掌  
其號令

五隸謂罪隸四翟之隸也物謂衣服兵器之屬

帥其民而捕盜賊

漢

武帝征和四年初置司隸校尉持節從中都官徒千二

百人

中都官京師諸官府

捕巫蠱督大姦猾

督謂察視之

後罷其兵察

三輔三河弘農

晉志曰漢武帝初置十三州刺史各一人又置司隸校尉察三輔三河弘農七

郡元帝初元四年去節後諸葛豐為司隸又加節尋復

去之司隸去節自豐始也

諸葛豐為司隸無所迴避京師語曰間何闊逢諸葛言間

者何久闊不相見以逢諸葛故也侍中許章以外屬貴幸賓客犯法與章相連豐欲劾奏適逢章出豐駐車舉節招章曰下欲收之章馳去豐奔車逐之章突入殿得免因此成帝遂收豐節成帝元延四年

省綏和二年哀帝復置但為司隸除校尉字冠進賢冠

屬大司空比司直司隸掌察皇太子以下行馬內事皆

主之專道而行專席而坐初除皆謁兩府

兩府謂丞相御史也

又

王駿為司隸校尉奏免丞相匡衡

又蓋寬饒為司隸亦無所迴避

後漢復為司隸校

尉所部河南尹河內右扶風左馮翊京兆尹河東弘農

凡七郡治河南洛陽

北齊書曰後漢皇族不得典三河蓋忌其親而惜形迹之地

無

所不糾惟不察三公

後漢江馮上言宜令司隸校尉督察三公陳元議以為不宜使有司

省察公輔乃止

廷議處九卿上朝賀處九卿下

鮑永為司隸子昱復為司隸初

拜使封胡降檄光武遣問昱曰有所怪否對曰臣聞故事通官文書不著姓又當司徒露布怪使司隸下書而

著姓也上曰吾欲令天下知忠臣之子復為司隸又  
中常侍王甫曹節等用事尚書令陽球嘗唾手拊髀曰  
倘令陽球作司隸此輩敢爾及後拜為司隸球列車騎  
導從當入司隸府雒陽賊捕掾皆故墨綬公府掾孝廉  
也邈見道側球怒曰雒陽郡邑掾當得熊虎敢搏噬者  
乃用繼鼠當校尉車耶不足污鞭杖且舉撲之於是威  
風振烈凡司隸屬官有從事史十二人其都官從事史最

為雄劇主察百官之犯法者

胡騰字子升辟荊州部南陽從事遇桓帝南巡至南

陽千騎萬乘呼召求索不可堪騰奏曰天子無外乘輿所在即為京師請荊州刺史比司隸臣比都官從事南陽守比河南尹宛令比雒陽令計之於是大將軍士馬西曹掾召騰騰乃作都官從事叩頭召掾掾乃覺膝行辭謝由是不敢輒有呼召

魏晉司隸與二漢同

劉聰借號置左右司隸

司隸

於端門外坐在諸卿上絕席其入殿按本品秩在諸卿下不絕席初以司隸官屬制置如周儀而俗稱之司州

見太康記

及魏晉乃以京輔所部定名置司州以司隸校尉

統之及東晉渡江罷司隸校官變其職為揚州刺史

後魏北齊為司州牧 後周有司隸下大夫掌五隸及

徒者捕盜賊囚執之事屬大司寇 隋初有雍州牧後

煬帝置司隸臺有大夫一人掌諸巡察薛道衡為司隸

大夫別駕二人分察畿內一人按東都一人按京師後

欽定四庫全書

御定淵源類函

卷一百七

十二

又罷司隸臺

裴蘊為御史大夫欲重已權令虞世基奏罷司隸刺史以下官屬

而留司

隸從事之名不為常員臨時選京官清明者權攝以行

唐無司隸而有京畿採訪使亦其職也 增續文獻

通考曰遼無司隸校尉之名五京各置警巡院官曰警

巡使東京別置軍巡院官曰東京軍巡使中京別置巡

邏司官曰中京巡邏使所掌皆司隸校尉事也興宗重

熙十三年又置契丹警巡院 金諸京置警巡院使一

員掌平理獄訟警察別部總判院事副一員掌警巡之



事 元上都留守司屬有警巡院達魯噶齊警巡使各

一員副使二員大都兵馬都指揮使司屬有左右警巡  
院達魯噶齊及使各一員副使判官各三員 明巡警

改置中東西南北城兵馬指揮司初設兵馬指揮司都  
指揮副都指揮知事尋改兵馬指揮司指揮使副指揮  
知事城門設兵馬洪武十年改為指揮副指揮革知事  
二十三年定為兵馬指揮司建文中改為五城兵馬司  
指揮副指揮為兵馬副兵馬靖難後復故本司各指揮

一人副指揮五人指揮掌巡捕盜賊街道溝渠囚犯火禁之事副指揮為之貳

司隸校尉二

原主徒隸

察公卿

環濟要畧曰司隸主徒隸司隸董領京師察案公卿以下

又曰

從緹騎

乘驄馬

又曰司隸出從緹騎列異記曰鮑宣子永孫昱俱為司隸乘驄馬

又曰

京師歌之曰鮑氏驄三八司隸再入公馬雖瘦行步工

增察七郡

掌六條

上見

通典註

隋書百官志曰司隸臺大夫正四品掌諸

察其所察六條一察品官以上政理二察官人貪殘三

察豪彊侵害下人等四察水旱不以實言及無災妄蠲

者五察部內盜賊六察茂才異行隱而不貢者每年二

月乘輅巡郡  
縣十月八奏

原督二千石

號三獨坐

漢舊儀曰司  
隸校尉武帝

初置後諸侯王貴戚不服乃以中都中官徒奴千二百  
人屬為一校尉部刺史督二千石也東觀漢記曰司

隸校尉與尚書令御史中丞朝會  
皆專席而坐故京師號曰三獨坐

時惟鷹鷂

舊號

卧虎

上見下崔瑗司隸校尉箴  
舊號卧虎誠以舉綱而萬目理提領而衆毛從者

傳咸集曰司隸校尉

也

奏收尹模

重據阮籍

王隱晉書曰何曾字穎孝  
為司隸校尉撫軍都尉尹

模因校事作威姦利盈積曾劾奏之罪甚狼籍  
阮籍負才放誕居喪無禮何曾因言於帝曰公方以孝

又曰

治天下而聽阮籍以重哀飲酒食肉於公座宜擯四裔  
無令汚染華夏帝曰此子羸病若此君不能為吾忍耶

曾重引據辭理甚切帝  
雖不從時人敬憚之

權貴改服

彊族斂手

謝承  
後漢

欽定四庫全書

續文淵閣四庫全書  
卷一百七

三

書曰劉祐字伯巨為司隸校尉時權貴子弟罷州郡還京師者每至界首輒改易輿服隱匿財寶又曰孫華字春光為司隸校尉下車減損隨車坐席不遷豪傑貴戚賓客絕其書疏案法捕治無所迴避京師晏然疆族斂手

令長去官

守令投印

又曰許永為司隸校尉中官子弟為令長官者並棄

官去威烈風行於是深見怨於幸臣也王隱晉書曰劉毅字仲雄為司隸校尉奏太尉何曾尚書劉寔父子及羊琇張佗所犯狼籍司部守令事相連及望風投印綬者甚衆貴戚斂手衆以為毅能繼諸葛豐蓋寬饒

推辱宰相

賤易上卿

漢書曰鮑宣字子都為司隸校尉時丞相孔光四時行園

陵官屬以令行馳道中宣出逢之使吏鉤丞相掾史沒入其車馬推辱丞相事下御史中丞侍御史至司隸官欲捕從事閉門不肯內宣坐距閑使者亡人臣禮大不敬不道下廷尉獄博士弟子濟南王咸舉幡太學下曰

欲救鮑司隸者會此下諸生會者千餘人朝日遮丞相  
孔光自言丞相車不得行又守闕上書上遂抵宣罪減  
死一等又曰翟方進字子威為丞相司直時涓歙初  
拜司隸不肯謁丞相御史大夫後朝會相見禮節又倨  
方進舉奏勲輕慢宰相賤易工  
卿不宜處位臣請下丞相免勲  
增臺閣生風 官舍

奉祭

晉書曰傅休奕轉司隸校尉天性峻急不能有所  
容每有劾奏或值日暮捧白簡整簪帶踈踊不寐

坐而待旦於是貴游懾伏臺閣生風臧榮緒晉書曰  
傅咸以議郎長兼司隸校尉咸前後固辭甚懇切上不  
聽切勅使者逼就拜授咸悲咽以身無兄弟到官之日  
喪祭無主重自陳乞遂不見聽聽於官舍設靈坐朔望  
奉祭咸卧  
成敗無憂 明智有餘  
十六國春秋曰王

病治職

成敗無憂

明智有餘

猛望燕師之衆謂

一鄧羌曰今日之事非將軍莫可以捷也成敗之機在斯  
一舉將軍其勉之羌曰若以司隸見與者公無以為憂

英雄記董卓謂王允曰欲得一快司隸校尉誰可作者王允曰惟有益黜元固京兆耳卓曰此明智有餘不可假以

雄職

諱忌不卹

聲名遂顯

漢書曰司隸校尉下

每入官舍輒更繕脩館宇移穿改築故犯妖禁而家人爵祿益用豐熾官至潁川太守子峻太傅以才器顯孫安代魯相三葉皆為司隸時稱其盛列異傳曰故司隸校尉上黨鮑子都少上計掾於道中遇一書生獨行無伴卒得心痛子都下車為按摩奄忽而亡不知姓名有素書一卷銀瓶二即賣一瓶以殯其餘及素書著履上呪之曰若子靈有知當令子家知子在此今使命不獲久留遂辭而去至京師有驄馬隨之人莫能得近惟子都近得子都歸行失道遇一關內侯家日暮往宿見主人呼奴通刺出見馬入白侯曰外客盜騎昔所失驄馬侯曰鮑子都上黨高士必應有說侯曰此乃我馬昔年無故失之子都曰昔年上計遇一書生卒死道中具

述其事侯乃驚愕曰此吾兒也侯迎喪開柳視銀書如  
言侯乃舉家詣闕上薦子都聲名遂顯至子永孫昱並  
隸為司

### 持節察百僚 凌波從帝船

續漢書百官志曰

千石孝武時持節常察舉百僚以下及京師近都犯法  
者魏志曰徐宣遷司隸校尉從至廣陵大軍乘舟風  
浪暴起帝船迴到宣船在後凌  
波而前羣僚無至者帝壯之

### 原走馬奏趙王權威

### 挫折 奔車收王甫權門惶怖

續漢書曰鮑永字君長  
為司隸校尉上叔父趙

王良送來歙喪還入夏城門右中郎將相逢道迫良怒  
召門候詰責使走馬前永奏良大不敬由是權威挫折  
百僚肅然數舉奏非法朝廷善之永辟右扶風平陵鮑  
恢以為都官從事恢亦抗直不避強禦詔勅曰貴戚且  
斂手以避二鮑其見重  
如此收王甫事詳三

### 虞詡言常侍論輸左校 許

永言奄侍當下廷尉

北堂書鈔曰後漢虞詡字升卿為司隸校尉時中常侍張防特用權

勢每請託受取詡輒案之而屢寢不報詡不勝其忿乃自繫廷尉奏言曰今者張防復弄威柄國家之禍將重至矣臣不忍與防同朝謹自繫以聞無令臣襲楊震之跡書奏防流涕訴帝詡坐論輸左校防必欲害之二日之中傳考四獄獄吏勸詡自引詡曰寧伏歐刀以示遠近宦者孫程張賢等知詡以忠獲罪乃相率奏得免謝承後漢書曰許永為司隸校尉言奄侍在內並貴幸用勢於外見怨於宰臣遂見誣譖當下廷尉永謂友人曰永年七十庶幾以忠義致身未得職姦人之首而先賊受害何能復入奏對刀筆吏乎遂仰藥而死

司隸校尉三

原察舉百僚

後漢書百官志曰司隸校尉一人比二千石孝武帝初置持節掌察舉百官以下及



京師近郡  
犯法者

### 內正百僚

王隱晉書曰李膺領司隸校尉  
膺屢自表讓忝傳儲宮不宜兼

監司之官武帝以二職並須忠賢故每不許咸寧初皇  
太子出居東宮帝以司隸內正百僚外督邦畿事任峻

重而少傅有旦夕輔導之務膺素羸  
不宜久勞之乃轉拜侍中加特進

無所不統  
漢舊儀曰

司隸校尉統皇太子三公  
以下旁州郡無所不統也

### 無不綜典

魏志曰鍾會字  
士季遷司隸校

尉雖在外司時政損益  
當世與奪無不綜典

### 督察姦邪

續漢書曰康宣字  
巨公遷司隸校尉

奉法導典督察姦邪務舉宏綱正大體闊畧  
細徵其政嚴而不苛百官肅然京師清靜

### 典司京

師又曰牟融字子優拜司隸校尉典司京  
師執直待平多所舉正百僚莫不敬憚

### 捕治奄侍

謝承後漢書曰許永為司隸校  
尉是時奄侍用勢永舉法治之

### 奏免送官

干寶晉總  
記曰傅咸

兼司隸校尉時朝廷寬弛豪右放恣郡縣從容寇賊充斥交私請託朝野溷濁咸於是數日之間三奏免送官奏案蹇諤終無

**無所迴避**

謝承後漢書曰許永字永曲撓有司肅然先為司隸校尉是時奄寺

在內貴幸用勢永舉法無所迴避京師號曰許游光也

**民無侵冤**

益部耆舊傳曰趙祈字伯

鸞為司隸校尉抱鼓不鳴民無侵冤

**宦侍屏氣**

後漢書曰李膺拜司隸校尉時張讓弟朔為野

王令貪殘無道至乃殺孕婦聞膺厲威嚴懼罪逃還京師因匿兄讓第舍藏於合柱中膺知其狀率將吏卒破柱取朔付洛陽獄受辭畢即殺之讓訴冤於帝詔膺入殿御親臨軒詰以不先請便加誅辟之意膺對曰昔仲尼為魯司寇七日而誅少正卯今臣到官已積一旬私懼已稽留為讐不意獲速疾之罪誠自知讐責死不敢踵特乞留五日克殄元惡退就鼎鑊如生之願也帝無復言顧謂讓曰此汝弟之罪司隸何讐乃遣出之自此

諸黃門常侍皆鞠躬屏氣休沐不敢復出宮  
省帝怪問其故並叩頭泣曰畏李校尉也

姦慝自

弭楚國先賢傳曰黃尚字伯奇為司隸校尉姦慝自弭

權門雀目鼠步

東觀漢記曰陽

球字方正為司隸校尉詣闕謝恩表言常侍王甫罪過  
奔車收送詔獄自臨考之父子皆死於杖下乃磔甫屍

署曰賊臣王甫於是權門震怖莫不雀目鼠步京師肅  
然曹節見甫屍乃收淚入言球罪帝從為衛尉球叩頭

曰願假臣一月必令  
豺狼鵠象悉服其事

京兆晚開早閉

謝承後漢書曰  
公孫曄為司隸

校尉時京兆  
晚開早閉

石鑒再為司隸

臧榮緒晉書曰石鑒以  
才幹習於從政敢斷無

疑乃再為  
司隸校尉

劉暉五為司隸

又曰劉暉字長叔五為  
司隸以允協物情故也

閉閣不通私書

謝承後漢書曰華松為司隸校尉是時  
貴戚專勢松下車閉閣不通私書不與

豪右相見姦慝犯者輒奏  
豪羣斂手由是深見非恨

閉閣不通豪右

又曰任防  
字文始為

司隸校尉嘗食乾飯十日一炊閉閣不通豪  
右施設禁令貴戚斂手致相約勒不敢干越

司隸周

官銀章青綬

晉百官表注曰司隸校尉周官  
銀章青綬五時朝服佩水蒼玉

糾上檢

下貴戚憚之

應劭漢官儀曰司隸校尉初置惟王章蓋  
寬饒鮑宣糾上檢下嚴刑必斷貴戚憚之

京師  
政清

矜嚴公正百僚忌難

續漢書曰鮑永為司隸校  
尉永性矜嚴公正百僚忌

難每朝各  
加戒慎也

司隸校尉四

原詩魏應璩詩曰司隸鷹揚吏爪牙旋耀空折翅挫毛

距宛頸還入籠世人指為戒誰復厲嚴冬

原箴漢崔瑗司隸校尉箴曰煌煌古制分劃五服翼翼  
封畿四方之極牧監匡設是謂王國大漢通變崇弘簡  
易吞舟之網以濟艱阨自時厥後或慢或遲繡衣四出  
禍起宮闈江充作亂辱於戾園率隸掘蠱以詰其姦既  
定既寧爰遂其官俾督京甸時惟鷹鷂必正必式國之  
司直乃回乃邪實為讒慝毀於貞賢悔其何及昔唐虞  
晏晏庶績以熙嬴氏慘慘怨毒用滋是故履上位者無

云我貴苟任激訐平陽元默以式百辟畫一之歌豈猶  
遐逖使臣司隸敢告執役

元帥一

增事文類聚曰元帥舊無其名左傳晉作三軍謀元帥  
雖有元帥之稱而非官名後周大象元年詔以上柱國  
為行軍元帥隋以親王為之唐凡親王總戎曰元帥文  
武官總統則曰總管高祖定京師置左右元帥太原道  
行軍元帥西討元帥天寶末置天下兵馬元帥皆以親

王領之又以大臣爲副元帥大歷八年罷天下兵馬元帥建中四年以李希烈反置諸軍行營兵馬都元帥會昌中置靈夏六道元帥天復六年置諸道兵馬元帥尋復改曰天下兵馬元帥五代長興間加爲天下兵馬大元帥錢俶在漢朝爲東南面兵馬都元帥宋建隆元年加爲天下兵馬大元帥續文獻通考曰遼北面有天下兵馬大元帥府以太子親王總軍政官曰天下兵馬大元帥曰副元帥有大元帥府以大臣總軍馬之政官

曰大元帥曰副元帥有都元帥府以大將總兵馬之政  
官曰兵馬都元帥曰副元帥曰同知元帥府事 金元

帥府天會三年伐宋更西南西北兩路都統府爲元帥  
府官曰元帥曰左副元帥曰右副元帥曰左監軍曰右  
監軍曰左都監曰右都監其都元帥必以安班貝勒  
爲之恒居守不出 元初於北庭楚實勒達林蒙古軍征  
東等四處立都元帥府置都元帥副元帥元帥府置達  
嚕噶齊元帥同知副元帥又有吐蕃宣慰司元帥府宣



慰司掌軍民之務分道以總郡縣行省有政令則布於

下郡縣有請則爲達於省有邊郵軍旅之事則兼都元

帥府品秩員數各有等差

按世祖至元十三年平宋置  
五道宣慰使浙東西江東西

湖南也十八年置南宣慰司  
惟和爲鞏昌二十四處都總帥亦元帥職也

明初設

元帥府有翼元帥都元帥副元帥等官後改五軍都督  
府以統戎事遂革元帥之職

## 元帥二

增詩書元帥

節度元勲

左傳曰晉作三軍謀元帥趙  
衰曰卻縠可臣亟聞其言矣

說禮樂而敦詩書詩書義之府也禮樂德之則也  
文類聚曰唐詔郭子儀李光弼等九節度之師討安慶

緒帝以子儀光弼俱是元  
勲難相統屬故不立元帥

臨軒授鉞

上樓行禮

又

唐德宗幸山南以渾瑊充朔方邠寧振武等道兼永平  
軍奉天行營兵馬副元帥上臨軒授鉞用漢拜韓信故

事又曰郭子儀自涇陽入朝帝御安福門  
待之命子儀樓上行朝見之禮宴賜隆厚也

清河江

神兩浙尚父

又曰隋楊素爲行軍元帥伐陳率水軍  
東下素坐平乘大船容貌雄偉陳人望

之曰清河公即江神也又後唐詔曰朝廷每有將相  
恩命准往例列銜於勅牒後側書使字今兩浙節度使

錢鏐是元帥尚父與使相名殊不合列署敕尾  
今後每署將相勅牒宜落下官位仍永爲式

詔置

僚屬遣誓將帥

又曰梁貞明三年詔授錢鏐諸道兵  
馬元帥四年置元帥府僚屬又曰

錢弘佐授東南兵馬都元帥李孺贊求救弘佐召諸將  
集議言山水險惡不可興兵弘佐曰唇亡齒寒古之明  
戒吾爲天下元帥豈不能卹鄰若有  
異議者斬乃遣將誓師果有成功

### 元帥三

增征討元帥

事文類聚曰唐榮士琬爲征討元帥高  
仙芝爲副琬風格秀整士庶咸服焉

撫軍元帥

又曰唐建寧王倓有才畧善騎射時元宗幸  
蜀肅宗即位靈武欲以廣平王爲元子以倓

爲兵馬元帥李泌曰難時人屬望元帥況太子從曰  
撫軍守曰監國今之元帥撫軍也廣平爲宜遂以廣平

爲元

玉冊金印

又曰同光中以錢鏐爲天下兵馬都  
元帥尚父尚書令封吳越國王賜玉

冊金

手詔勅書

又曰唐代宗即位內官程元振忌郭  
子儀請罷副元帥子儀上表進肅宗

所賜詔勅因自陳訴曰陛下念及勤勞貽臣詔書一千  
餘首誠子孫萬代之寶自靈武河北河南等處賜手詔  
勅書凡二十卷昧死上進詔答曰朕  
不德不明俾大臣憂疑朕之過也  
有功遙統開元曰

時奚契丹犯塞肅宗爲忠王乃授河北道元帥信王禕  
爲副帥討之及諸將大破奚契丹肅宗以遙統之功加

司徒竟不臨戎

又曰隋開皇時以漢王諒爲行軍元帥  
伐高麗諒至遼水師遇疾疫不利而還

突厥犯塞又以諒爲  
行軍元帥竟不臨戎

圖凌煙閣

又曰唐德宗初爲天  
下兵馬元帥時史朝

義據東都代宗遣德宗會諸軍破賊於洛陽朝義走河  
北分命諸將追之俄而賊將斬朝義首以獻河北平以

元帥功拜郭子儀等  
八人圖形凌煙閣

公柘授首

又曰唐輔公柘據江  
東反命河間王孝恭

爲行軍元帥擊之將發宴諸將取水忽化爲血在坐  
失色孝恭飲之曰此公柘授首之徵也後果擒公柘

元帥四

增詩元朱德潤送達兼善元帥赴浙東詩曰伏波將士  
出鄞東夜斬鯨鯢碧海中虎帳護寒雲蔽日龍旂催曉  
浪翻風帆開鷁羽桅星白箭拂髦頭血點紅洗手便聽  
歌凱捷大藩文帥作元功 鄭元祐寄雲南蕭元帥詩  
曰南望元戎玉帳寒炎炎桂海息狂瀾牽獅入貢金連  
索騎象來朝罽織鞍丞相渡瀘先鬚白將軍標柱獨心  
丹春波涸盡思霖雨箕畢星躔夜夜看 張憲投贈周

元帥十韻詩曰玉帳臨江近金城鎮海遙鼓聲秋動地  
劍氣夜衝霄露下星河白風高草木彫山寒旗獵獵沙  
靜馬蕭蕭左廣初傳駕西舩已畏燒五離纔散鼠六博  
又成梟豪傑乘時奮賢才早見招紫樞虛上座黃閨待  
清朝會見擒奸操歸來醉小喬恩波門外柳長拂富春  
潮 耶律楚材贈富察元帥詩曰閑騎白馬思無窮來  
訪西城綠髮翁元老規模妙天下錦城風景壓河中花  
開杞攬芙蕖淡酒泛葡萄琥珀濃痛飲且圖容易醉欲

憑春夢到盧龍

增制唐賈至郭子儀兵馬副元帥制曰昔伊尹與湯合  
傳說與高宗合尚父與周合故哲后良臣莫不至合非  
賢不又有開必先久大之業也公上略宏才惇信明誼  
受我旄鉞輯寧區夏典器銘勲高視前古實邦家之傑  
豈獨爲予社稷之衛可獨弼予節制咨謀安危斯屬懼  
朕之不稱也往欽哉 常袞李抱玉河西等道副元帥  
制曰周以元老監方伯漢以丞相撫四彛則軍國之務

中外一體自華陽而西至於隴坂涉河之右兼控五原  
總三將之師專萬里之寄詰禁經武宜有統制憂邊謀  
思深仗輔臣具官李抱玉文以經邦德以鎮俗孝友忠  
信人之模表禮樂刑政朝之訓式以道匡朕允升大猷  
叅聽斷之可否載清淨以寧一兼委戎旅屏於方夏知  
謀變化潛合神明將校悅從親如父子事出輶鈴之外  
功成戰伐之前勤勞王家以衛社稷有致君庇人之績  
冠旂常彝鼎之銘顧以國之憑倚久任憂患兵車之半



悉以咨之當不憚煩以時鎮定 陸贄授馬燧渾瑊副

元帥招討河中制曰具官馬燧操業端亮器宇闊達秉

難奪之節負不羈之才恒持至誠深識大體感激而三

軍有勇彌綸而庶績允諧威聲所臨郡邑皆復殿於北

土隱若長城具官渾瑊淳粹積衷仁厚成性本寬大以

容衆著誠信以撫人事必沉詳臨危益辦節惟貞固在

險逾彰弘濟艱難茂昭勲闕出納朕命光膺具瞻並文

武全才安危注意副我憂矚時惟二臣比德叶謀往濟

多難 又授李晟鳳翔隴右節度使兼涇原副元帥制  
曰周之元老以分陝爲重漢之丞相以憂邊見稱故方  
嶽克寧疆場不聳安人保大致理之端今所以重煩上  
台作鎮西土具官李晟勵精剛之操體博厚之德識時  
通變而大節不奪虛受廣納而獨斷自明奉法以律身  
推功以及下衆無犯命人用樂推誓羣帥於危疑之際  
駐孤軍於版蕩之中氣凌風雲誠動天地一鼓而兇徒  
折北再駕而京邑廓清師皆如歸人不知戰載安社稷

功格皇天朕以汧隴近郊扶風右地川阜連亘抵於回  
中限界諸彛藩屏王室所屬誠重付之元臣兼二將之  
甲兵崇十連之統帥宣威耀德罷警息人俾予仰成時  
乃丕烈

### 都督一

原杜氏通典曰後漢光武建武初征伐四方始權置督  
軍御史事竟罷建安中魏武爲相始遣大將軍督之而  
袁紹分沮授所統諸軍爲三都督

紹以沮授郭圖淳  
于瓊各典一軍魏

武征孫權還又使夏侯惇督二十六軍魏文帝黃初三年始置都督諸州軍事或領刺史又上軍大將軍曹真都督中外諸軍假黃鉞則總統內外諸軍矣明帝太和四年司馬宣王征蜀加號大都督高貴鄉公正元二年司馬文王都督中外諸軍尋加大都督及晉受禪則都督諸軍爲上監諸軍次之督諸軍爲下使持節爲上持節次之假節爲下使持節得殺二千石以下持節殺無官位人若軍事得與使持節同假節惟軍事得殺犯軍

令者及伐吳之役以賈充爲使持節假黃鉞大都督總

統六師兼給羽葆鼓吹緹幢兵萬人騎二千置左右長

史司馬從事中郎增參軍騎司馬各十人帳下司馬各

二十人大車官騎各三十人太康中都督知軍事刺史

理人各用人焉惠帝末乃并任非要州則單爲刺史

庾翼

都督征討諸軍事鎮襄陽綏懷招納立客館置典賓參軍江左以來都督中外尤重

惟王導等權重者乃居之宋氏人臣則無居者惟江夏

王義恭得假黃鉞假黃鉞則專裁節制非人臣常器又

有都督諸州軍事者則爲常職舊曰監某州諸軍事文帝即位改監爲都督後魏有都督中外諸軍事永安

以後近遠多事置京畿大都督總攝軍人立府置佐

後周改都督諸軍事爲總管則總管爲都督之任矣又

有大都督帥都督都督至隋三都督並以爲散官煬帝

改大都督爲校尉帥都督爲旅帥都督爲隊正唐武德七年改

上大都督爲驍騎尉大都督爲飛騎尉按此則都督之名尉帥都督爲雲騎尉都督爲武騎尉

微矣隋文帝以并益荆揚四州置大總管并益揚三州以親王

臨統惟荊州以韋世康爲之時論以爲美其餘總管府置於諸州列爲上中

下三等加使持節煬帝悉罷之唐諸州復有總管亦

加號使持節

刺史加號持節

武德元年諸州總管亦加號使持

節五年以洛荆并幽交五州爲大總管府七年改大總

管府爲大都督府總管府爲都督府

舊洛州已置都督府武德四年廢府

置大復有行軍大總管者蓋有征伐則置於所征之道

以督軍事自武德以來亦有元帥之號太宗爲秦王加

西討元帥中宗爲周王爲洮河道元帥睿宗爲相王爲

并州道行軍元帥代宗爲廣平王時充天下兵馬元帥

親總師旅克定禍亂以大臣宿將郭子儀李光弼等隨

其方面以爲副謂之副元帥以督諸道事及皇帝踐祚

以雍王爲之王升儲宮而元帥闕

安祿山反後天寶十五年哥舒翰爲諸道

兵馬元帥李岷李若幽李勉又爲兵馬都統蓋從其宜也太極初以并益荆揚爲四

大都督府開元十七年加潞州爲五馬其餘都督爲上

中下等

上都督府五中都督府十三下都督府十六

前後制置改易不恒難

可備叙凡大都督府置大都督一人

掌所管都督諸州城隍兵馬甲仗食



糧鎮親王爲之多遙領其任亦多爲贈官長史居府以

總其事

各有長史司馬錄事功曹以下官屬但員數多少與諸州府有差其職事不異詳郡佐江

左四中郎將近代行軍總管之任

凡將帥出行兵滿萬人以上則置長史司

馬倉兵等曹參軍若萬人以下員數遞減

增合璧事類曰唐大府皆置都

督景雲二年置二十四人察刺史以下善惡揚益并荆

四州爲大都督并充魏冀蒲綿秦洪潤越十州爲中都

督皆正三品齊鄜涇襄安潭遂通果夔十州爲下都督

從三品當時以爲權重難制奏罷之惟四大都督府如

故自唐以後不置 宋紹興初呂元直復相謀進取秦  
會之欲奪其權乃共議令元直以左僕射都督江淮荆  
浙諸軍事置司鎮江元直覺之遽歸而命孟富文以參  
政權同都督已而落權字四年趙元鎮自知樞密院爲  
川陝宣撫處置使元鎮以與吳玠共事爲嫌仍改都督  
川陝荆襄諸軍事五年春元鎮與張德並相遂帶兼都  
督諸路軍馬之銜秋紇石烈志寧入寇詔湯進之以左  
僕射爲之進之逗遛不行乃命王瞻叔以參知政事爲

同都督瞻叔亦丐免於是遂命楊存中代爲都督非宰相而爲都督自存中始督視軍馬者紹興三十一年冬葉審言始以樞密院爲之朝議以審言非相臣故其名下都督一等蓋不考趙豐公故事失之也隆興初張魏公爲江淮都督乃命汪明遠以參知政事督視湖北荆西軍馬方城失守汪謫台州遂并令魏公督之張魏公之初爲都督也以行府爲名凡事干朝廷則關三省樞密院孟庾富文時在政府大不平曰三省樞密院乃奉

行行府文書耶因稱疾求去隆興初再爲都督宰相主和議所行多與督府異魏公乃言進退調發當從督府取旨施行日令主兵官及帥守監司輒以軍期事務徑申朝廷已劄下依本府指揮仍取軍令狀上曰豈有不申朝廷之理乃詔江淮軍馬調發應援從督府取旨施行其餘事並令申奏如舊開禧用兵除邱宗卿僉樞督視軍馬閱月而免數月吳曦反乃復命李季張以參知政事督視四川軍馬既而有裂土之議又罷行自是不

復除都督矣 續文獻通考曰遼南面有遼陽大都督

府 金海陵南伐時立左右領軍大都督將三十二總

管 元初有山東河北蒙古軍大都督府至元二十一

年罷統軍司統元帥府立蒙古軍都萬戶府大德七年

改山東河北蒙古軍都萬戶府延祐五年罷天歷二年

改立爲大都督府定置大都督同知副都督僉都督事

經歷都事管勾照磨 明置中左右前後五軍都督府

每府左右都督各一人都督同知二人都督僉事二人

恩功寄祿無常員其屬經歷司經歷一人都事一人

吾學編曰明初置統軍大元帥府樞密院甲辰革樞密  
總管萬戶定爲指揮千百戶總小旗又革都護統軍元  
帥萬戶府辛丑立大都督府又設左右都督都督同知  
都督僉事及斷事官洪武十三年分中左右前後五軍  
都督府又設左右斷事官十五年置五軍十衛叅軍府  
二十三年置五軍斷事司曰稽仁稽義稽禮稽智稽信  
建文中革斷事官及五司官靖難後復舊官而斷事五

司遂不復設永樂元年置行後軍都督府於北京已而  
分五府稱行在某軍都督府罷行後軍都督府十八年  
除行在在應天者加南京字洪熙元年復稱行在仍設  
行後軍都督府宣德三年又革行後軍都督府正統六  
年復除行在

都督二

增晉書曰羊祜字叔子都督荊州諸軍事祜出鎮南夏  
開設庠序與吳人開布大信降者欲去皆聽之於是翕

然悅服稱爲羊公 又曰杜預字元凱拜鎮南大將軍  
都督荊州諸軍事江漢懷德化被萬里南土歌之曰後  
世無叛由杜翁孰識智名與勇功 又曰陶侃字士行  
遷都督荆雍益梁州諸軍事勤於吏職閭外多事千緒  
萬端罔有遺漏遠近書疏莫不手答引接疎遠門無停  
客 又曰劉弘字和季爲荊州都督威行南服凡有興  
廢手書守相丁寧款密人皆悅服爭赴之咸曰得劉公  
一紙書賢於十部從事 又曰郝鑒字道徽金鄉人時



天下饑荒鑒分贍宗族及鄉曲孤老賴而全濟者甚衆  
遂共推鑒為主衆至數萬帝就加都督兖州諸軍事

又曰庾亮字元規都督江荆等州軍事在武昌諸佐吏  
殷浩之徒乘秋夜共登南樓俄而亮至諸人將起避之  
亮曰諸君少住老子於此處興復不淺 又曰溫嶠字  
太真都督東安北部諸軍事時王敦構逆錢鳳等奄至  
都下嶠燒朱雀桁以挫其鋒自率衆與賊夾水戰擊敗  
之 又曰符堅入寇次於項城衆號百萬詔以謝元為

前鋒都督諸軍事率兵距之列陣臨肥水元以精銳八  
千渡肥水決戰堅中流矢衆奔潰投水死者不可勝計  
肥水為之不流 又曰晉永和中以桓溫為征討大都  
督討姚襄師次伊水姚襄距戰溫結陣而前親被甲督  
弟冲及諸將奮擊大敗之 通鑑曰唐武德中以張鎮  
周為舒州都督鎮周舒州人到州召親故酣飲贈以金  
帛與別曰今日張鎮周猶得與故人歡飲明日則舒州  
都督治百姓耳自是親故犯法一無所縱境內肅然

又曰唐貞觀中李大亮為涼州都督帝遣使至涼州大亮有隼鷹使者諷使獻之大亮密表曰陛下久絕畋游而使者求鷹若陛下之意深乖昔旨如其自擅則使非其人帝悅手詔褒美賜以荀悅漢紀 翰苑新書曰宋張浚都督諸路兵馬往江上視師至鎮江召韓世忠諭上旨使前屯楚州至建康撫張俊至太平州撫劉光世軍將士無不踴躍思奮

### 都督三

增脩廢堰

飲貪泉

白孔六帖曰張守珪為瓜州都督州地沙瘠不可藝時渠堰為鹵鹵毀

材木無所出一夕水暴至大木千章塞流而下因取之修復堰坊州人神之刻石紀事又曰馮立拜廣州都

督前後作牧者多以贖貨致蠻怨叛立至不營產業嘗至貪泉嘆曰此豈隱之所酌耶吾雖日汲此水庸易吾

性哉遂極飲而去

務清淨

尚嚴肅

又曰漢陽王瓌為荊州都督政務清淨嶺外酋

豪數相攻伐瓌使諭威德皆如約不敢亂又曰張嘉貞歷秦州都督為政尚嚴肅甚為人吏所畏憚

指授當任

規模出人

玉海曰謝安都督揚豫等州諸軍事假節苻堅次淮肥加

安征討大都督指授將帥各當其任太平御覽曰庾翼都督江荆益三州刺史制度規模每出於人數年之

中軍國充實人情翕然稱其才明由是河南皆懷歸附

得江漢心

開洱河地

晉書曰晉帝將有滅吳之志以羊祜為都督荊州綏懷遠近甚得江漢之心玉海曰韋仁壽加檢校南寧州

都督將兵五百循西洱河開地數千

吹笳鮮圍陶

瓦免患

山堂肆考曰劉琨為并州都督在晉陽敵騎圍之數重琨乘月登樓清嘯敵聞之悽然長嘆中

夜奏邊笳敵歎歔有懷土之思向曉復吹便棄圍走

白孔六帖曰宋璟徙廣州都督廣人以茅結屋多火患

士女相慶

兒童亦知

山堂

邱肆越俗始知棟梁利

曰陶侃都督荊湘等州軍事復鎮荊州士女相慶

翰

苑新書曰張浚視師江上四方之士莫不傾心下至兒童亦知有張都督每使者至金其國必問浚今何在

賜錦表政

刻石頌德

孔

六帖曰王方慶遷廣州都督南海舶市珠琲前都督冒取其貨方慶至秋毫無索議者謂其治廣第一詔賜瑞

錦雜絲以表善政 又曰王峻授桂州都督 開屯田數千頃以息轉漕百姓刻石頌德

道不拾

遺

衆皆趨本

又曰郭元振遷涼州都督治涼五歲道不拾遺 又曰寶軌為洛州都督同洛

間人不土著軌下令諸縣有游手者按之由是威信甚行衆皆趨本

示賊禍福

諭國

威靈

又曰馮元常拜廣州都督安南酋領李嗣仙殺都護劉延祐詔元常討之元常航海馳檄先示禍福

賊黨多降乃斬其首惡而還 又曰膠東王道彥拜岷州府都督問遣人入党項諭國威靈

先擇

最吏

再破巨賊

又曰陽嶠等議建都督府先擇最吏遂以嶠為涇州都督 又曰宗室孝

恭為揚州行臺大都督再破巨賊 北自淮東抱江度嶺而南盡統之

吳主執鞭

司馬

與鎧

玉海曰吳陸遜假黃鉞為大都督吳主親執鞭以送之 太平御覽曰陳勰為陶侃廣州長史侃夢

有司馬以鎧與侃總以為司馬國姓鎧者  
捍國之器節下當進位果除都督交州

專治軍旅

賜勞璽書

翰苑新書曰宋呂頤浩與秦檜同秉政檜  
令其黨建言今二相宜分任內外之事遂

除頤浩都督江淮等路諸軍上諭之曰頤浩專治軍旅  
檜專理庶務如種蠱之分職乃詔頤浩總師北向置都  
督府於鎮江白孔六帖曰宗室晦  
為營州都督以治狀開璽書賜勞

營府舊城置

牙行在

王海曰營州都督寄治於漁陽城開元時奚契  
丹款附上欲復營府於舊城詔宋慶禮與姜師

度更柳城築營州城拜慶禮營州都督開屯田八十餘  
所翰苑新書曰趙忠簡公鼎與張浚俱帶都督諸路

軍馬置牙行在浚出視師江上以行  
府為名而鼎居中總政事表裏相應

不受贈金竊

募箴闕

白孔六帖曰李尚隱遷廣州都督及還人或哀  
金以贈不納曰吾自性分不可易非畏人知也

欽定四庫全書

御定四庫全書  
卷一百七

太平御覽曰張定都督涼州下令曰比年饑旱殆由  
庶事有闕竊慕箴誦之言以補不逮自今有面刺孤罪  
者酬以束帛翰墨陳孤過者荅  
以筐篚謗言於市者報以羊米  
假以黃鉞倚如長

城

玉海曰王導假節都督諸軍石勒侵阜陵成帝詔加  
導大司馬假黃鉞出討之帝親餞於郊後轉中外大

都督  
參陳俊卿問浚飲食言貌曰朕倚魏公如長城不當為

浮言  
搖奪

張儉建平糴

方翼造人耕

白孔六帖曰張儉  
徙代州檢校都督

勸墾田力耕歲數稔私蓄富實儉建平糴法入之官由  
是儲斛流贏  
太平御覽曰王方翼為夏州都督屬牛

疫無以營農方翼造人耕之法  
施關鍵使人推之百姓利焉

視師督戎倚重

宗臣肇開督府萬里揚聲百蠻褫魄運籌決



惟幄之勝遂定廟謨 假鉞督中外之軍仍專閫寄  
東征若周公將是皇於四國 北伐如吉甫本為憲於  
萬邦 養天下之大老當居論道之尊 運堂上之奇  
兵正賴折衝之重 東晉獨王導首專其權 南京在  
義恭常假其節

都督四

增詩唐王維送趙都督赴代州詩曰天官動將星漢上  
柳條青萬里鳴刁斗三軍出井陘忘身辭鳳闕報國取

龍庭豈學書生輩窗間老一經 韓翃留別孟都督詩

曰平蕪霽色寒城下美酒百壺爭勸把連呼寶劍銳頭

兒少駐金羈大頭馬一飲留歡分有餘寸心懷思復何  
如他時相憶如相問青瑣門前開素書 明張時徹徐

氏東園訪馬都督詩曰錦衣驄馬霍嫖姚春日鳴弦獨

射鵬芳草池塘涵日月青山臺榭亂雲霄虬龍倒掛東

林樹烏鵲晴飛白石橋陰洞花深人不到江城何處夜

吹簫

# 總管一

副總管以下附

增文獻通考曰魏黃初始置都督諸州軍事後周改都督諸軍事為總管武帝時以王謙為益州總管總管之名始此隋文帝以并益荆揚四州置大總管其餘總管府置於諸州列為上中下三等加使持節煬帝改帥都督為旅帥唐諸州復有總管亦加使持節武德初邊要之地亦置宋朝馬步軍都總管以節度使充副總管以觀察以下充有止一州者有數州為一路者有帶兩路

三路者或文臣知州則管勾軍馬事舊相重臣亦為都總管咸平發三路都總管景德詔鎮定兩路併為一路諸路並去行營之名止為駐泊總管慶厯三年詔近分陝西緣邊為四路各置經略安撫招討等使自今路分總管鈐轄以上許與都總管司同議軍事路分都監以下並聽都總管等節制違者以軍法論七年析河北四路各置都總管一員如無事止以安撫使總制諸路八年諸州部署並改總管副總管建炎元年李綱言守備

當於沿河沿淮沿江置帥府要郡以控扼其帥府文臣一員帶安撫使馬步軍都總管武臣一員充副總管改路分為副總管遇朝廷起兵則副總管為帥副鈐轄都監各以兵從出聽其節制正官願行者聽紹興二年詔郡守臣罷帶兵職諸路副總管可依舊改充路分鈐轄五年詔兩浙江南荆湖福建廣東可依三路置總管於帥府七年淮東置總管十二年諸路並置州總管一員宋初以朝官及諸司使以上充或一州或一路或兩

路三路亦有無都字者嘉祐詔內臣為鈐轄都監者逐路止置一員祖宗時不常置成都大府帥臣第帶兵馬鈐轄而兩武臣之為鈐轄者與鈞禮建炎三年詔要郡守臣兼兵鈐轄以武臣為之副改諸路都監為副鈐轄紹興三年守臣罷兼兵職副鈐轄改為路分都監而帥府如故其後益瀘夔廣桂五州牧皆以都鈐轄為稱而江西贛州以多盜其守臣亦帶江西兵馬鈐轄二十八年鎮江府守楊揆請添鎮江州鈐轄從之淳熙間詔諸

路訓練路鈴並要年六十以下曾經從軍有才武人充  
紹熙初詔雜流出身不得注路分州鈴都監專注才武  
及曾任主兵官之人 宋兵馬都監有路分掌本路禁  
旅屯戍邊防訓練之政令以肅清所部建炎三年以要  
郡守臣帶本路兵馬都監武臣一員充副都監紹興三  
年罷守臣兼兵職而副都監如故州都監則以大小使  
臣充掌本城屯駐兵甲訓練差使之事兼在城巡檢資  
淺為監押 宋有沿邊溪洞都巡檢或蕃漢都巡檢或

數州數縣管界或一州一縣巡檢掌訓練甲兵巡邏州  
邑擒捕盜賊事又有刀漁船戰棹巡檢江河淮海置捉  
賊巡檢及巡馬遞鋪巡河巡捉私茶鹽等中興後凡沿  
江沿海皆置巡檢一員又置都巡檢以總之聽州縣守  
令節制 續文獻通考曰明在外府州縣於關津要害  
處設巡檢一員從九品 又曰遼都總管之職北面有  
東路兵馬都總管府其官曰東路兵馬都總管曰同知  
東路兵馬司南面五京各有都總管府官曰某京都總



管知某府事曰同知某府事有諸軍兵馬都總管府有  
歸聖軍兵馬都總管府官曰某兵馬都總管曰某兵馬  
副總管曰同知某兵馬事曰某兵馬判官又有南京兵  
馬都總管府與五州都總管府山後五州都總管府興  
宗重熙四年改南京總管府為元帥 金天會六年伐  
只畢詔還西南西北二帥以鎮方面諸路各設兵馬都  
總管府海陵天德二年八月詔改諸京兵馬都部署司  
為本路總管府又以婆速路統軍司為總管府正隆六

年海陵南伐置三十二總管諸總管府節鎮兵馬司都指揮使一員副指揮使二員指揮使一員軍使一員總管而下諸府鎮有都軍司設都指揮使一員元立都總管府與總管府各因其所司之事為名皆無典兵之貢設官秩高者三品或四品卑者五品六品明制兵民錢糧俱統於布按都司及府州縣以上總管等官俱不設

總管二

增遼東獻俘 定襄制敵

事文類聚曰李勣為遼東道行軍大總管率兵二萬執高

藏男建等詔勣獻俘昭陵又曰唐裴行儉為定襄道行軍大總管討突厥行儉曰以謀制敵可也因詐為糧車伏壯士又伏兵踵其後敵果掠車壯士突出伏兵至殺獲幾盡

箭定天山 俘滅

三國

又曰唐薛仁貴副鄭仁恭為鐵勒道行軍總管九姓衆十餘萬來挑戰仁貴發三矢殺三人敵氣懾

皆降軍中歌曰將軍三箭定天山將士長歌入漢關又曰蘇烈為神丘道大總管討百濟俘其王義慈等所滅三國皆生執其王

戰俘名王

戰獲乘馬

又曰李大亮為河東道大總管出北

道與敵遇蜀渾山大戰破之俘其名王又曰襄邑王神符遷并州總管頡利可汗盜邊神符與戰汾東斬級五百獲馬二千及戰沙河獲頡利達官得可汗所乘馬及鎧

霹靂域內

蹀血邊

庭

又曰唐長孫晟為秦川道行軍總管出討突厥晟斬千餘級有達官來降言突厥大畏長孫總管聞其弓

聲謂為霹靂見其走馬稱為閃電晉王笑曰將軍震怒

威行域內又李靖為定襄道行軍大總管率勁騎三千

千由馬邑趣惡陽嶺頡利可汗大驚太宗曰靖以騎三千躐血邊庭遂取定襄古未有輩定潒吾渭水之恥矣

詔召入朝

先登報國

又曰泉男生授平壤道行軍大總管兼持節安撫大使舉

哥勿南蘇倉巖等城以降帝命舍人李虔繹就軍慰勞賜袍帶金鉤七事明年詔召之入朝所過州縣傳舍作

歌吹右羽林將軍李同以飛騎迎寵又曰唐張士貴貞觀中為龔州道行軍總管太宗以其冒矢石先登勞

之曰嘗聞以忠報國者不顧身于公見之

銳士采入

全軍獨歸

又曰侯君集李

靖討吐谷渾以君集為磧石道行軍總管君集曰王師已至賊不據險天贊我也若以精兵掩不備必有大

靖然其計簡銳士約齊果入大戰破之又曰李靖為

行軍總管以江淮兵萬人屯大谷時諸將多敗獨靖全

軍歸俄權檢校

安州大都督

燕達戰功

狄青材勇

又曰熙寧五年以燕達權

發遣環慶路駐泊總管掌州之役達有戰功故自鈴轄

躡遷總管

又曰狄青為涇原路兵馬副總管上嘉其

材勇欲一見之詔令入朝會寇逼平原乃令亟往涇原

俾國像以進上曰朕之關張也於是有狄萬人之稱

上言耶律患

請持夏國臂

又曰天聖七年劉平授

言趙元昊連姻耶律必為邊患授邠寧環慶副總管遣

中人就賜黃金器

又曰種子諤李憲措置熙河邊事

子諤鄜延路副總管秉常為母所囚子諤入對大言曰

夏國無人秉常孺子臣請持夏國臂而來神宗壯之

總管三

增擊下十城

事文類聚曰李大亮擢金州總管府司馬王洪烈據襄陽詔大亮安撫樊鄧因圖之

進擊下十餘城

進拔八城

又曰蓋蘇文死男生為弟所逐使子詣闕降乃拜契苾何力為遼東

道行軍大總管安撫大使經略之副李勣同趙高麗勦

已拔新城乘勝進拔八城引兵還與勣會何力率兵五

十萬先趨平壤

璽書褒勞

又曰馬者王叛郭孝恪請擊之即拜西川道行軍總

擄其王以獻

管率步騎出銀山道夜襲

金瓶賜勞

又曰秦叔寶事秦王府拜馬軍

破之帝悅降璽書褒勞

總管戰義良川破尉遲恭有功帝賜以黃金瓶勞之曰

卿不恤妻子而來歸我且又立功使朕肉可食當割以

啖爾況子

札授方略

又曰淳化時以參政趙昌言為女玉帛乎

蜀寇尚有殘孽會昌言安撫招討仍賜

御札數幅丁寧授以方略委任雄威

御賜秘略

又

景祐四年以御製神武秘畧賜泌  
邊總管鈴轄每得代更相授之

當今名將

又唐太宗曰當

今名將惟李勣薛萬徹江夏王道宗而已貞觀  
二十二年以青丘道行軍總管伐高麗拔其城

任以

藩丘

又曰唐高祖詔黎州總管曹國公徐世勣  
本自黎陽擁徒歸順任以藩岳成效克彰

李行

賜錦帛

冊府元龜曰李行為義州刺史從韋孝寬鎮玉  
壁城數與賊戰齊平以軍功進授大將軍賜雜

綵三百匹王諫作亂高祖以行為行軍總管討平之進  
位上大將軍賜縑二千匹開皇元年又以行軍總管征

叛蠻平之進位柱國賜錦帛二十  
匹大舉伐陳又授以行軍總管

義臣賜御甲

又曰楊義

臣高祖仁壽初拜為  
朔州總管賜以御甲

王軌入淮口

又曰王軌高祖時  
為上大將軍陳將

吳明徹入寇呂梁徐州總管梁士彥與戰不利乃退保  
州城明徹遂堰清水以灌之列船艦於城下以圖攻取

詔以軌為行軍總管赴救軌潛於清水入淮口多豎大木以鐵鎖貫車輪橫截水流以斷其舩路方欲密決其堰以甃之明徹知之乃破堰而退冀乘決水之勢以得入淮比至清口川流已闊水勢亦衰舩艦並礙於車輪不復得過軌因圍而蹙之明徹及將士三萬餘人并器械輜重並被俘獲

仲文出漢口

又曰

于仲文開皇中為柱國將軍伐陳之後拜行軍總管以舟師自章山出漢口陳郢州刺史荀法尚等請降秦王俊皆令仲文以兵納之

李金才破突厥

又曰李金才為楊素行軍總管破突厥於納遠

川進位大將軍

韓僧壽破突厥

又曰韓僧壽仕周為中旅下大夫高祖得政從韋孝寬平

尉遲迥每戰有功授大將軍至高祖開皇中檢校靈州總管事從楊素擊突厥破之

總管四



增詩唐李义奉和辛望春宮送朔方大總管張仁亶詩  
曰邊郊草地腓河塞有兵機上宰調梅寄元戎細柳威  
元貌東道出鷹隼北庭飛玉匣謀中野金輿下太微投  
醪銜餞酌緝衮事征衣勿謂公孫老行聞奏凱歸 劉  
憲奉和聖製辛望春宮送朔方大總管張仁亶詩曰命  
將擇耆年圖功勝必全光輝萬乘餞威武二庭宣中衢  
橫鼓角曠野蔽旌旃推食天厨至投醪御酒傳涼風過  
鳳苑殺氣下鷄田分閭恩何極臨岐動睿篇 蘇頌奉

和聖製幸望春宮送朔方大總管張仁亶詩曰北風吹  
早雁日夕渡河飛氣冷葭應折霜明草正腓老臣帷幄  
算元宰廟堂機餞飲迴仙蹕臨戎解御衣軍裝乘曉發  
師律候春歸方佇勲庸盛天辭降紫微 鄭愔奉和幸

望春宮送朔方大總管張仁亶詩曰御蹕下都門軍麾  
出塞垣長楊跨武騎細柳接戎軒睿曲風雲動邊威鼓  
吹喧坐帷將闔外俱是報明恩 元趙孟頫送吳思可  
總管汀州詩曰七閩南去路崎嶇五馬承恩出帝都地

氣喜聞今有雪民生寧似昔無襦山城酒美傾鸚鵡雨  
館春深聽鷓鴣他日相思應悵恨離筵不忍賦驪駒  
又贈托克托穆爾總管詩曰將軍鐵馬擁琯弓壯歲分符  
鎮越中山水多情留賀監兒童拍手愛山公紫髯似戟  
君猶壯白髮如絲我已翁說禮敦詩殊不忝看君真有  
古人風

都統一 副都統統制附

增文獻通考曰晉孝武帝太元十九年有河西大都統

唐天寶末置為天下兵馬元帥都統朔方河東北平盧  
節度使都統之名始於此乾元元年戶部尚書李岷除  
都統淮南江東西節度使宣慰觀察處置等使都統之  
官始於此唐置或總五道或總三道上元末省大中後  
討徐州以康成訓討黃巢以荆王鐸為都統黃巢之難  
置諸道行營都統掌征伐兵罷則省雖總諸道兵馬不  
賜旌節宋朝諸軍都統制者自渡江已前亦有之然未  
為官稱蓋是時陝西河東三路皆以武臣職高有智畧

者為馬步軍副都總管遇出師征討則加以都統制軍馬之名猶今節制軍馬之類非有司分也建炎元年置御營司遂擢王淵為都統制都統制名官自此始大槩南渡置統制一則兵興稱謂不一諸路起兵有自稱統制者州縣管押勤王兵者亦有稱統制者諸道都總管及諸司便宜差統制者建炎初並罷惟中都主兵朝廷差充統制者仍舊紹興初諸大將改為行營五護軍四年吳玠升宣撫副使其弟為右護軍都統制十一年韓

世忠張浚岳飛除樞密使副使罷宣撫司其統領將副並改充御前隸樞密院各帶御前字入銜其兵馬就令所部統制官節制而都統皆以屯駐名冠軍額之上獨川陝如故恩數畧視三衙權任在帥臣之右官卑者稱副都統制設屬有計議機宜幹辦公事準遣十九年漢沔兩大將改為御前諸軍璘稱利州西路駐劄御前諸軍都統制政稱利州東路駐劄御前諸軍都統制郭浩時已死故金州無都統制但以知州兼節制嘉定初蜀

叛既平安丙又奏分興州十軍為沔利三軍沔州除都  
統制利州除副都統制矣唐興元中置副都統宋紹  
興中亦有副統制隆興二年詔應諸軍副都統制並罷  
乾道三年五月上謂宰執曰朕欲江上諸軍各置副都  
統制一員令兼領軍事宜惟儲他日統制亦使主將有  
所顧忌於是以郭則為鎮江副都統制張榮為建康副  
都統制三省樞密院定制云已復置在外副都統制裨  
贊主帥商議軍事覺察奸弊所有本司文字與都統連

銜調發軍馬并聽都統指揮月旦亦許上表平江許浦水軍乾道間置副都統以領之 統制統領官三衙及

御前軍將佐也祖宗時禁兵但以路分都監等領之渡江後大軍又有統制同統制副統制統領同統領副統領等其下乃有正將副將準備將之名 續文獻通考

曰遼北面行樞密院下有都統所其官曰監軍曰行軍諸部曰監戰曰行軍都統曰行軍副都統曰行軍都監其分列有行軍都押司官曰都押曰副押有行軍都部



署司有左翼軍都統所有右翼軍都統所有中軍都統  
所有御營都統所其遠探軍曰小校曰拽刺其候騎曰  
偵候曰候人曰拽刺有東征都統所亦號東面行軍都  
統所有號東路行軍都統所有東征統軍司有東征先  
鋒使司蓋皆為高麗而設也有南征都統所亦號南面  
行軍都統所有南征統軍司有南面行營總管府有南  
面行營都部署司有河南道行軍都統所蓋皆為宋而  
設也外此又有北道行軍都統所有東北面行軍都統

所有西北面行軍都統所有西南面行軍都統所其設官皆同 金收國元年置南路都統司以討張穀天輔

五年襲遼主始有內外諸軍都統之名時以奚未平又置奚路都統司後改為六部路都統司以遙輦九營為九明安隸焉與上京及泰州凡六處置每司統五六萬人又以渤海軍為八明安凡明安之上置軍帥軍帥之上置萬戶萬戶之上置都統天會元年以襲遼主所立西南都統府為西北西南兩路都統府後伐宋更為元

帥府即此也十年改南京都統司為東南都統司治東京以鎮多高麗後又置統軍司於大名府天德二年罷大名統軍司而置統軍司於河南山西陝西三路以元帥府都監監軍為使分統天下之兵又改烏爾古德呼勒統軍司為招討司以布琳路統軍司為總管府正隆末復陞陝西統軍司為都統府又設三道都統制府及左右領軍大都督將三十二總管以伐宋大定五年復罷降為統軍司元光時招義兵以四萬戶為一副統兩副

統為一都統 元以其事分於元帥大都督而都統之名不立 明不設

### 都統二

增出鎮河中

事文類聚曰郭子儀上元初詔為諸道兵馬都統今率諸鎮之師抵范陽詔下為魚

朝恩所沮永泰元年以子儀都統河南節度使行營出鎮河中

蕩滌羣寇

又曰乾符中黃巢掠

江淮宰相王鐸曰臣泰宰相在朝不足分陛下憂願自率諸軍蕩滌羣寇乃拜守司徒平章事荆南節度使諸道行營兵

和尙原戰

又曰張忠獻公浚烏珠欲窺蜀浚令陝西都統制吳玠於鳳翔

馬都統

府之和尙原誘致其來烏珠引衆來犯玠與戰烏珠中箭而遁俘其將英格貝勒及首領三百甲其衆損者過

半

# 大人洲戰

又曰李顯宗時金主亮來犯公以池州都統移軍舒城除御營先鋒都統制瑛

騎報兵渡淮公領趙康年等與戰於大人洲首挫其鋒乘勝掩擊敵軍溺死者千餘人

## 立功取

# 節鉞

又曰賊衆劉玃次於漆壽之間張俊拒之詔併以淮西軍屬俊沂中為張俊統制官俊遣沂中至泗

州與俊合且使謂之曰上待統制厚宜及時立大功取節鉞或有差跌俊不敢私

## 破賊復江

州又曰和義楊郡王沂中傳李成叛江南招討使張浚議所以破賊王時為右軍統制官遂由上流徑絕生

米渡出賊不意遇其先鋒擊退之賊將馬進銳卒數萬來犯浚率步兵攻其前沂中乃將騎卒與神武後軍統

制陳思恭出山後夾擊乃大破之遂復江州

# 都統三

增詩唐韓愈次潼關上都統相公詩曰暫辭堂印執兵  
權盡管諸軍破賊年冠蓋相望催入相待將功德格皇  
天 耿緯上裴行軍都統詩曰邊塵已滅天山外閉閣  
陰陰日復曛櫪上驂騑嘶鼓角門前老將識風雲旌旗  
四面高秋見絲竹千家靜夜聞莫道古來多計策功成  
惟有李將軍

增制唐常袞授王縉侍中兼河南都統制曰具官王縉  
有高妙之行有弘達之識學該古訓文正國風夢帝賚

予濟川用汝百揆時叙四維克張累陳造膝之言彌契  
沃心之道濱海之右自河而南王旅攸同戎車殷會監  
於方伯之國利用建侯之司大將息人予有禦侮鎮漢  
沔淮徐之地統齊梁魯鄭之軍總制高牙紀綱羣帥弘  
七伐四征之策成一匡九合之功式遏外虞底綏多難  
將授銅符之律爰咨瑣闥之謀往哉汝諧無替朕命  
陸贄授劉洽檢校司空充諸道兵馬都統制曰論道經  
邦允歸碩望建牙統衆必藉雄才中外具瞻安危注意

今以二柄委之元臣具官劉洽秉志端亮飭躬簡儉博厚足以容衆和易足以長人純孝榮親盡忠事主分我閫寄殿予大藩扼制淮彝保障楚甸控引漕輓委輸京師予嘉乃懋勲亮乃貞節用錫丕命俾揚王休燮贊三台紀綱羣帥式是大任爾惟欽哉 白居易授范希朝京西都統制曰具官范希朝忠貞勤儉以為質惠和智勇以為用一代名將三朝信臣朕以西邊列鎮三四若有總統則易成功思得良帥有威名者并護諸將歲一



巡邊乘秋順令揚其威武則南牧之馬引弓之人知我有備不戰而去誰可任者無如希朝以爾功在疆場名聞羌戎惟實與聲皆副是選今拜爾為大將尊爾為司徒節制進退一令諮稟倚望如右可不慎歟

總兵一副總兵以下附


增續文獻通考曰明初凡天下要害處所專設官統兵鎮戍其總鎮一方者曰鎮守獨守一路者曰分守獨守一城一堡者曰守備有與主將同處一城者曰協守又

有備倭提督提調巡視等名其官稱掛印專制者曰總  
兵次日副總兵曰參將曰遊擊將軍舊制俱於公侯伯  
都督都指揮等官內推舉充任其鎮戍地方或遇事增  
添改革俱本部奏請定奪 治平類纂曰明制凡有事  
征伐則命總兵佩將印領之旣旋則上所佩將印於朝  
明會典曰凡號令總兵官告都指揮都指揮告指揮  
指揮告千戶千戶告百戶百戶告總旗總旗告小旗小  
旗告軍士

## 總兵二

增詩明胡應麟寄戚總戎詩曰聞道嫖姚將提兵大漠  
間旌旂行漢壁鼓吹出秦關白日雙鵬下黃雲萬騎閑  
時同投筆吏仗劍過天山 朱笈贈雷總戎詩曰關西  
年少擁高牙長日轅門靜塞笳旂獵風雲屯虎豹營連  
星斗抱龍蛇黑山近徙王庭幕青海遙通漢使槎帶礪  
夙盟原不負憑將雙劍問張華 蘇平和韻與尚總戎  
詩曰將軍韜畧擅才雄赫赫聲名振海東沙浦晴煙秋

減竈天山明月夜張弓星搖佩劍龍光冷日射征袍獸  
錦紅令肅轅門邊警息幾回談笑坐春風



御定淵鑑類函卷一百七